

四續掖縣志卷六

地  
14099  
42  
26  
部

四續掖縣志卷六



二十六年徵集之書

掖縣縣長穎川劉國斌幹岑氏輯

著述

清

崔一巒

遣懷集

詩話四卷

劉振緒

隨見錄二卷

翟齊

五經蒙拾二十卷

五星硯齋詩文存二

卷

張中和

蘭石山房文稿

四續掖縣志

卷六

著述

一

翟鈞

九青館詩稿二卷

劉瑛

紫芝白石山房詩草六卷

王續藩

仙球花吟一卷

蘭陵枕上草

翟啟

滄海集

鳴琴館詩稿

楊炳熙

留餘詩草

翟熙工

易漢學二卷

嶗山筆談

算勝四卷

靜壽山房詩文存二卷

張宴春

遣悶集詩四卷

趙鸞掖

喬蔭齋詩文集

翟貽芝

松埜詩鈔十二卷

孫樹棠

一峯石之多之齋文集二十卷

孫寶晉

思古齋詩稿

翟衍濂

考訂鄭康成年譜

會心齋詩草

王述藩

四書辨字

一字吟詩集

董錦章

尚書今文證二卷

學庸遵注四卷附錄

一卷

論語贅筆四卷補遺一卷

惜餘軒初集簡言二卷

雜文詩六卷

續鈔雜文詩四卷

三鈔雜文詩二卷

四續掖縣志

卷六

著述

二

四鈔雜文詩二卷

五鈔雜文詩四卷

餘編二卷

萊州府鄉土志二卷

掖縣鄉土志四卷

張恕琳

逐石吟草

呂海寰

奉使金鑑六十卷補輯四十卷

庚子海

外紀事四卷

杜蔭澍

研經芻言

慎闕見聞錄

趙爾巽

清史稿

林鍾柱

東溪草堂詩鈔

杜蔭灝

存惺軒詩鈔二卷

呂廣居 影憐軒詩文集八卷

崔崧瀛 聽雪軒詩稿

宋在溪 蘊古齋平仄聯句

劉錫田 劍潭集

楊克惇 東溪草堂詩稿

民國

林滋深 靜軒錄

林修竹 山東各縣鄉土調查錄四卷 實業文集

李黃大工堵口實記 澄懷閣雜鈔

四續掖縣志

卷六

著述

三

歷代治黃史十卷 山東第一次物品展

覽會報告書

翟肇适 地方自治芻議

趙琪 膠澳志 英文青島指南

楊榮棠 管窺雜錄二卷

藝文

舊志所錄藝文有門類朝代茲編門類無多朝代難分爰以作文之時為定其作於清代者則歸之於清代作於民國者則歸之民國不問其為何項之文並不拘乎作文之人也

清

雲臺三十二將圖序

張士保

道光間余作二十八將圖非能貌諸將之真學道子變相法以遺悶耳白仙槎駕部為出資付梓母舅文泉先生見而喜之於每葉繫以絕句二首王常李通等一例題詠云依漢書當補足三十二方為全焉匆匆多故星霜屢遷中間兩經兵

四續掖縣志

卷六

藝文

四

燹駕部避亂移家零物摒擋不盡及歸檢點圖版獨無所損豈諸將有靈於此圖冥為呵護耶駕部因欲復梓先生之詩則圖賴詩以傳矣拭昏目補足其圖書詩於各圖之後拈筆之下不勝西州之遺痛也

侯端介墓表

柯劭忞

先生姓侯氏諱相芝字蘭江掖縣人道光十九年舉人官聊城縣教諭引疾歸旋以截取授知縣辭不就卒於光緒十八年正月己巳年七十有八門人私謚端介先生先生幼負異秉八歲讀春秋三傳能辨其義之得失所著詩古文辭咸彬彬有法度嘗游都下與梅郎中曾亮論文郎中推爲作者與人交貌溫而氣肅人弗敢干以私閤文介公巡撫山東雅重先生名檄萊州知府聘爲北海書院山長先生雖篤老自治益嚴黎明起整衣冠默坐自訟過失繞室行數百步乃呼家人起具盥漱出就書齋背誦七經如童子課寒暑無少閒可謂好學有道君子者也道光初平度陳小瀛先生自常州知府乞歸養開門授徒以文學訓後進先君子與先生皆先後從陳先生遊劭忞弱冠時侍先君子於河南每讀書畢先君子輒述陳先生之教術及先生早歲之勵學以示劭忞且曰若異日至掖縣必謁侯先生劭忞謹識之弗敢忘劭忞舉進士第又嘗辱先生記問然終未獲一見先生也嗚呼自先生歿而先君子之執友無復在者矣劭忞頑魯學問無所成就又浮沉仕宦其治身益疏以怠方思歸守田里從先輩成德

推闡緒論以自勗勉而先生遽捨予以卒豈獨老成彫喪之可哀抑亦劭恣之不幸也先生門人平度于君蓮爲劭恣同年生甲午春于君應試入都以所撰先生行狀授劭恣曰請子爲外碑劭恣不敢辭乃刪掇其文而歸之并以識劭恣之憾焉

杜縉卿墓表

尙慶翰

掖城西五十里驛曰沙河附驛村曰西杜家民戶殷盛商貨闐咽而有敦篤之君子鄉之人士皆愛重之其卒既久猶思慕之是爲縉卿杜先生述先生事者曰咸同捻亂先生奉嚴

四續掖縣志

卷六

藝文

六

命立出重貲築土圩倡衆保村閭則其平日之先意承志無幾微或拂於親心可知也受經於林次來崔予思之門皆曰吾門得杜生而益光顯則其學成而見信於師友可知也士有所措自疑於非義輒曰杜先生得毋知有繩削者皆退而無怨言相語及先生慄然若父兄之在前則先生之以正律物而踐之導者大有以服其心又可知也述者又曰先生學雖成而屢薦弗售終老諸生注名吏部未登仕路無所藉以究先生之用乃天之所以靳其遇以厚其鄉人且又烏知非先生之有所戒懼故遲回而不就也自鄉之爲士者少而俗

日偷惟賢者能持其寧靜以矯之其在先生乎其在先生乎  
余屢過其地獲與杜氏諸生交獨恨未識先生今因述者之  
言知先生益悉乃撮其犖犖大者於此勒之於石以見其爲  
人先生諱雲漢附貢生候選訓導例封奉政大夫曾祖佐清  
祖丕堦考錚世業儒壽七十有九歲配王宜人淑德後先  
生五年卒子玕樹珣樹琪樹瑤樹孫男八人墓在里之東埠

杜寰海墓表

尹琳基

古所稱能化導其鄉者必耆德碩儒卓然典型迨久而論定  
益欽其人茲得寰海先生先生幼好學師事陳太史肇文名

四續掖縣志

卷六

藝文

七

藉甚然秋闈輒報罷而所養愈粹無幾微怨尤從遊者日以  
衆門下多名諸生令坦侯君嘉禾資先生登賢書焉夙工臨  
池或踵門求之輒得意以去性坦易不設城府故人人樂挹  
丰采然遇不可事則毅然無少瞻徇辛酉丁卯間捻匪一再  
至築土圩一切防禦籌畫備勞動無倦色其他扶良剔蠹護  
持多端總歸於無憾而後止先生性孝友事封君能先意承  
歡與兄處怡怡如也迨臨歿猶以不克周事吾兄爲言則順  
德篤行合符古人戚友額門曰望重儒林僉以爲實錄也先  
生姓杜氏諱鏡寰海其字世居掖西之杜里曾祖汝松祖佐



清父不堦以先生故膺封典封君二子長錚次卽先生附貢就廣文職爲鄉飲大賓以子貴誥封奉直大夫春秋七十有四歲以光緒七年三月葬於里之東埠配劉氏有淑德後先生卒子二人長廣漢官中書次昇漢武略騎尉孫五人桂芬桂芳桂香桂萼桂華皆讀書力學醇謹老成其所成就未可量云先生以耆德碩望卓立典型既歿而鄉人思之由其行誼之感孚者深也先生長君廣漢持狀求表先生墓義不獲辭爰質書之而揭於阡

杜珍泉墓表

陸潤庠

四續掖縣志

卷六

藝文

八

光緒丙午潤庠奉天子命視學山左時入學爲弟子員者執贄各視其家寒士輒無措後聞掖有杜公倡集鉅款以其息爲歲科試入學之資又嘗設義塾文社延師督課遇賓興計偕均飲焉以爲常心甚義之及科舉廢其嗣榮榮執弟子禮來見榮榮績學工文不趨時尚余益欽公之教知其食報未有艾也今公歿因奉狀來乞文按狀公諱蔭溥字珍泉世居邑之西杜里曾祖煊贈中憲大夫祖丕塘父清華皆贈資政大夫母孫太夫人生三子公最少幼從孫吏部彥學爲文吏部以遠大器之會贈公歿兩兄已由科第登仕版乃棄帖括

理家政喜延接文士士大夫道出沙河多主焉性敏能強記書史環列終其身未嘗廢學晚年養益粹見之者如對惠風朗月其爲人可想見矣卒年六十有五配聶氏庠生仲甫公女封夫人子二榮榮己酉科拔貢分部主事榮植庚子辛丑併科舉人官廣西直隸州知州以捐賑錫二品封典女三孫五人公器識閎達多厚德持己接物唯誠唯敬凡大興作足以保障桑梓者皆身任其勞出重貲不少恠沙河及杜里寨垣與其石隄爲最著也其居鄉尤以敦俗興學爲務故德之所及遠近薰被先後以善行表其閭者百數十村嗚呼教育

四續掖縣志

卷六

藝文

九

道衰世風因以日偷所謂厚民俗振文教當職者或漠然弗計公乃殷殷行之鄉邑間其德洵足重也已

翟詔堂墓表

裘祖誥

咸同之間捻匪東竄詔以兵部主事張公弼辦萊州團練而始終其事得以勞勩邀褒獎者則爲翟公詔堂公諱鏞掖人翟固望族至公而棄儒就賈家益裕余守萊日聞賊嘗兩次擾境其時承平久多不設備公偕邑紳儲軍實策守禦賊屢逼城皆引卻當難民四集撫綏安息所全活者甚衆事平議叙六品職銜而公亦以勞瘁身櫻痼疾年逾六十而歿子二

長炳林夏津縣訓導次慶綸能繼公業孫深濬源澄濬早歲食餼舉孝廉方正余府試時取以冠軍者也公既具幹濟才且饒於貲邑有大興作若文廟東海神廟鐘鼓樓北城門樓皆身董其成官款或不給則傾橐助之故事得以濟亂後羣議修城積穀公實爲之倡至其重言諾喜賑施親善睦族又其天性然也歲己酉余謝事居厯下其孫濬以狀來乞爲表其墓余維士君子出膺民社幸際無事則興學化俗繕修廢墮以與民休息不幸而寇盜充斥饑饉相仍則守土恤民期盡厥職凡此者僚屬而外惟賴邑人士相助爲理公事得人

四續掖縣志

卷六

藝文

十

然後上可以報國下亦得以保民若公於治亂安危之間爲官民所倚重者殆三十年雖不得位其功在桑梓爲何如耶是可傳也已

周端誠墓表

張恕琳

宣統三年辛亥恕琳歸自京師聞吾鄉老儒周次蘭先生方講學不輟年八旬矣明年五月二十三日先生歿又五年丁巳其門人哀思不已以古賢士死有易名相與私諡曰端誠先生有孫子東泉者素善恕琳示以狀并爲書來告曰吾師蓄學行而不遇今其人旣歿懼遂泯焉請子爲文候勒諸石

庶其有聞於後恕琳夙欽先生重以東泉之屬不敢辭因刪  
掇其來狀系以頌而歸之按狀先生諱蕙田次蘭其字也居  
掖縣楊村曾祖鎮祖萬美世有陰德考鳳翔以道署吏員積  
勞獎九品妣劉太宜人相夫治家好濟貧惠及遠村先生幼  
嗜學屢試冠軍光緒庚辰由廩膳生貢成均生平於書無所  
不讀而尤精熟於五經每歲終必背誦一過孜孜發憤老而  
彌篤性至孝父寢疾湯藥之外便溺必親扶持手滌溺器累  
年不少懈及卒哀毀中禮事太宜人尤得歡心嗣承遺訓益  
廣施與家僅中貲遇里鄙之窮乏者輒周之曾無吝惜而又

四續掖縣志

卷六

藝文

十一

設義塾修家廟置祭田祭器所有義舉皆可爲後世法先生  
品端行修口無僞言目不邪視其教人也首重躬行不專攻  
文辭爲社董數十年雖野老村夫莫不重其德而化其行嗚  
呼先生生平行誼大略如此不惟門人悅服凡吾鄉人皆有  
所矜式古稱好學有道君子者其人歟配趙宜人子二長汝  
翼早卒次汝明太學生忠厚一如先生孫恩博尙幼夫師弟  
相授受者道也先生固不遇矣今其門人如孫子東泉以名  
孝廉出膺民社卓著循聲爲人忠信誠懋所學期諸躬行淵  
源一本於先生卽謂先生之道旣型於家復式於鄉終且大

行天下可也然則先生之不遇者其身而其道之愈推愈遠  
歷久而彌光是在治先生之學者其毋以先生之不遇爲憾  
哉爰作頌曰  
於顯端誠式昭懿聲學務實踐孝本性成居德善俗施與稱  
情授徒講學有叩斯鳴惟端迺正惟誠迺明按典考諡允符  
平生嗟爾來世是瞻是聽

于允濟墓表

鄭熙嘏

昔于公治獄有陰德其子定國爲西漢名臣積善必昌理有  
固然今觀于公允濟之行事而有厚望矣公諱拯允濟其字

四續掖縣志

卷六

藝文

十二

也以賑捐議叙六品銜曾祖九祐字受天太學生祖鳳來字  
儀亭貢生父希曾字省吾太學生于氏世居掖以厚德著名  
至儀亭公尤稱長者嘗秋日巡行隴畔見竊禾稼者與語移  
時彼初不知爲田主也公少承家訓慷慨樂施濟人之急如  
恐不及所居村名姚家溝凡百餘家多蒙河潤貧無力者遣  
僕爲之耕種不令失時有田數百畝村人佃種收穫時不計  
多寡恒車歷數家家各數畝不滿篝而歸公笑置之道咸間  
歲大祲出所有以待來者人賴以無饑同治丁卯夏捻匪再  
竄掖舉家入城避之公留守門戶夜將半突有知交某入言

寇至宜速去起視烽火已逼近時村人不意有寇胥就寢乃沿戶徧語相將俱去次日寇奄至閣村得免於難居平行事多類此性嚴正浮蕩子弟憚不敢爲非然素有怨隙者遇其困乏仍一體周恤且卵翼其後裔飲食教誨俾得成立有乞貸未嘗索償或有先貧後富始嘗受恩而終至負義者人皆爲不平公夷然不與之較嗚呼推公之心殆所謂大公無私視萬物爲一體者歟彼知有己而不知有人或睚眦必報眦眦未忘者對此能勿愧乎爲社董數十年排難解紛不避勞怨雖嚴寒酷暑恒數日夜不歸必使永無轆轤而後已故公

四續掖縣志

卷六

藝文

十三

在日鄉人無以小忿起爭端者自幼承祖父命理家計未能竟學然性嗜讀族人讀書者必竭力玉成恐其曠廢敬禮文士出於至誠至老不倦好諸葛武侯出師表朱柏廬治家格言冬夜擁爐朗誦以爲常晚年惟以稗官野史自娛曰亦心知其妄然鋤奸誅佞每閱之心輒一快卽此亦可以見其性情矣光緒三十一年五月二十五日無疾而逝距生於道光二年七月初七日年八十四歲配宿氏先公十八年卒子一桂清貢生孫建邦安邦鎮邦經邦曾孫元和元同建邦出元功元善安邦出元化元凱經邦出經邦字營之邑庠生從余

遊以公行述請爲文將以表墓余初至掖縣卽聞人言西鄉于公善人也及得營之見其循循禮法志趣遠大知其家學有素既而晤其諸昆孝友雍睦之象令人望而生慕乃益信積善之家培植深厚藹然和氣萃於一門所謂必有餘慶者信不誣也西漢之于氏不得專美於前矣余欽公之行義且謂其後將必有高大門閭者爰略述其梗概以爲之券並以訊於永永無極之世

姜鏡若墓表

張恕琳

先生姓姜氏諱鑑字鏡若世居萊郡西北海廟前姜家村幼

四續掖縣志

卷六

藝文

十四

聰穎授讀輒不忘弱冠補縣學生員治舉業有名從之遊者日益衆多所成就然先生篤好經史尤熟於左氏公穀馬班諸書時時誦習至老弗輟時藝非所重也每誦忠孝大節輒慷慨歔歔不自禁舉以教人並自勗性至孝親疾夜歸自館所侍湯藥每晨昏往返四十里僕僕之狀里之人今皆能道之捻匪寇萊將修圩村人或恐損其地難之先生曉以義而圩成先生之學在不自欺生平接人以誠鄉黨有爭者咸就先生決曲直近村數千家五十年永無爭端郡城北有沈姓者叔姪析產累年不決語人曰但得姜先生一言無不可者

先生至事遂解先生之排解紛難多類此先生本寒素而輕財好施與數爲人情所難村人或營業無資本先生爲貸價本折不告其人而代之償有債券簿計等先生曰後世賢不慮貧不賢而爲爭訟之資取而焚之有堂兄無後願繼先生子先生曰兄有遺產多姪輩宜且擇賢卒不應生徒貧者不取脩脯或賙之並賙鄉黨戚好之尤困乏者村人或死無葬地慨令葬其田中有盜竊其物盜被獲欲償還先生拒之曰汝以竊償焉用之尤好揚人之善遇正士貞婦請獎事先生必與焉所居村爲海廟會場北數省商賈以時輻輳其地爲

交易之所者也羣推先生爲會董春秋會期先生置柵設備防衛周至五十年賓至如歸遇疾歿爲勸募瘞埋函致其家或持資來謝固卻之遠近以是稱頌書望重鄉國四字額其門先生歿而會亦零落生子四人皆力學克自樹立年且老教之曰讀書要學古人吾不多置田產以分爾慕古之心卒於民國元年六月初七日春秋七十有五配徐氏繼配羅氏長英恩貢生前卒次蘆廩貢生次莒邑庠生次蓬孫五人先生既歿之半年門下士劉芝田等二十餘人將表其師墓屬爲文懇琳習知先生學行宜有不得沒因叙次其來狀而歸



之俾揭其誌墓之原以告於後人

杜林春墓誌銘

侯相芝

公諱清華字林春號蓮峯世居掖之西鄉杜家村曾祖汝桂公祖煇公皆膺八品封典父培塘公字書升太學生貤贈中憲大夫母楊恭人生子三公其季也幼而穎異童試輒列前茅會楊恭人歿書升公亦遭疾家計日替公慨然曰爲人子無以奉親何拘拘帖括爲哉遂棄儒而賈家漸饒裕終書升公世奉親養有加焉公天性好學雖居闕闈圖書環列座右尤究心於諸史余每與論議殊服其稽古之識課諸子嚴令

四續掖縣志

卷六

藝文

十六

子蔭灝從余學余後銓聊城學博以路遠不能從爲憾而蔭灝旋膺拔萃科數年後余告歸又令子蔭澍從余學旋食餼郡庠公之心於是稍慰而氣力漸衰俾少子蔭溥嗣其業而已董其成所居村三面距河衝決爲患公籌畫經費於荒地兩仟餘畝植樹二十餘萬株今蔚然成林鄰村皆被其惠咸豐末年捻匪東竄人皆倉皇走避公訓練鄉里嚴修守備賊屢至郤之相戒不敢犯賴以全活者無算而公因積勞氣力益衰矣公歿聞者多泣下及蔭灝舉於鄉出宰百里蔭澍以優行貢成均供職秘閣而少子繼公之業家道益昌人或以

公不及見爲憾余謂公之事親立身教子克暢厥志可以慰九原也已公生於嘉慶十三年八月十九日卒於同治六年十有一月初八日享壽六十歲元配孫恭人治家嚴肅壺範儼然先公歿繼王恭人亦賢淑子三長蔭灝辛酉拔貢癸酉舉人直隸唐縣知縣次蔭澍丙子優貢丁丑考取教習候補內閣中書三蔭溥太學生國史館議叙候選布政司理問女一適太學生任天鏊皆孫恭人出孫榮榮榮楨榮楣榮相榮本皆幼讀王恭人於光緒十四年歿蔭灝自唐縣任丁憂歸卜於十五年九月二十七日啓公壙合葬於楊家北原因來

四續掖縣志

卷六

藝文

十七

乞銘於余余不獲以不文辭迺爲之銘曰

士有百行孝慈爲先公能兼之永矢無愆棄儒而賈弗蕪書田保障一方里黨稱賢家道日昌人文蔚起次襄祕閣長宰百里尤憐少子前型仰企濟濟冠裳孫曾繼美鬱鬱佳城是經是營魂魄乂安福祿交并我作公銘美無溢詞山高水長永奠厥基

張靜懋墓誌銘

張恕琳

先生諱敬衡字次平號輿安掖縣人四世祖貞公以儒起家傳至曾祖素書祖朱紱皆歲貢考嶽雲道光甲午舉人官壽

張教諭子三人先生其長也咸豐四年粵匪陷陽穀偏近壽張時先生年方幼隨父任受學不肯去陰爲防守計事平教諭公以全城功獎安徽知縣加同知銜晨昏之助蓋有賴焉歸自壽張益肆力於學至忘寢食入府庠屢膺鄉舉俛得復失卒以廩生充光緒庚寅恩貢然自教諭公之先兩世暨弟官雲至先生四世明經鄉人榮之先生學務博通爲文章原本經術門徒最盛成就亦甚多自幼嗜學雖篤老不厭暮年喜兀坐一室背誦經史或古文辭易筭之前數日猶娓娓誦離騷經不輟年八十一考終於歲丙辰十二月二十七日翌

四續掖縣志

卷六

藝文

十八

年閏二月十五日葬於城南仲家窪子村之南原門人私諡曰靖愨先生配翟孺人先卒男二長錫爵附貢生其次子釗及女二皆先卒孫二曾孫二銘曰

於惟先生文獻之宗克闡先業無忝裘弓何才不育有金皆鎔含純履軌以飭厥躬哲人萎矣永閟幽宮

翟虞臣墓誌銘

朱學周

翟公虞臣諱熙工世居東萊曾祖諱明廩生祖諱云升壬午科進士孝廉方正父諱齊優增生孝廉方正母曲太君生子三人長熙敬三熙典公居次秉姿純粹孝友篤學初應童子

試郡伯達和笙得卷稱賞亟拔冠軍遂入邑庠旋食餼舉優行伯兄積學早逝公則紹祖訓續父兄慨然自任率弟事父母定省色養數十年而不衰親病嘗藥侍疾冠帶不脫者恒累月既終養哀毀骨立殯葬如禮親黨有爲之感泣者咸同間匪氛不靖里中推公爲團長糾鄉里分部曲延師訓練常破產造軍械周恤團友故人樂於從命當匪逼城時誓衆登陴死守四十餘日又督義勇縋城尋賊數十里流民漸復安所同治壬戌舉孝廉方正用直隸州州同撫軍譚函幣招致公堅辭不就遂蒙保加五品銜戊辰歲貢成均以訓導銓選

四續掖縣志

卷六

藝文

十九

公又不出仕乙未海氛起焉公徇於中丞李公暨錫公清弼之請復任郡城總董辦理團練工程車馬諸局竭勤盡瘁桑梓賴以保衛者大矣溯自前後數十年公三繕城垣再修縣志管理廣仁育嬰諸善堂舉凡有益鄉里關風化者罔不竭衷以求實效每見孤寒子弟無力就學者供其膏火設塾授之如翟襄等多有成就公耽心經史於數理地輿兵農之學尤孜孜焉每謂讀書貴得大義而徵諸實事拘拘章句何爲哉嘗臨池摹秦碑漢碣魏晉諸石刻玩討祖傳筆法耄期不倦著有漢儒易說數理秘錄算勝詩文雜存等書待梓以壽

世焉公生於道光六年十二月初十日寅時以光緒三十一年七月初三日未時考終享年八十公元配劉氏邑庠生振鏞公女生男一女二男曰藻蔭生候選巡檢孝弟能繼而先公年卒長女嫁監生楊紀常次女嫁今河南內黃縣縣丞龔致中孫二人長曰震東以縣丞候選次日震起現官奉天曾孫乾甫弱冠畢業農學茲擇以民國元年十月十八日卽壬子九月初九日葬公於萊郡城南八蜡廟曠西祖塋之側學周與震起曾同事農業試驗總場聞公事績久慕高風爰序其次第并爲之銘曰

四續掖縣志

卷六

藝文

二十

東魯耆碩孝友天成伯氏先隕蘭陔養終敦睦鄉閭訓練固圉著書名山尼父之舉傷哉尼父鯉也早死繩武有孫伯歌季舞述作壽世碩德延年綿綿勿替景仰豐阡

杜少甫家傳

董錦章

君諱恩榮字綬臣少甫其號也明初由蜀遷萊世居掖西聚族爲村曾祖丕現曾祖妣氏陳氏苑祖鑰祖妣氏苑本生祖鏐八品壽官本生祖妣氏張考雲章字端甫與胞兄禰溪公孝友陸嫻善行昭著光緒壬午捐晉賑千金奉旨建坊鄉閭榮之妣氏侯氏王宣統紀元以覃恩三世皆封資政大夫曾祖妣以降皆贈封如例君自幼讀書喜談經濟欲研歷代治亂之由而於帖括業則厭棄之辛巳入京供職戶部與諸名宿遊詣日進辛卯以戶部員外郎改知府需次古皖乙未署

四續掖縣志

卷六

藝文

二十一

太平府事太平自洪楊亂後殘破頽廢半城瓦礫君下車伊始觀之惻然思爲政之要在於端本爰修文廟葺書院振興士習積弊盡革當塗爲盜梟出沒之區深爲民患君整頓保甲嚴懸厲禁練勇分巡四境肅然有惡役暴橫莫制君明懲默化卒能爲善當時頌杜公眞父母焉有老貧媼虐於奸詐向君伸訴君卽爲理訊俾窮嫠得所郡人士咸戴懸額稱誦比去任立去思碑以誌弗諼丙申秋辦華陽釐務據實上解不肯貪冒邀功或以陋規爲言則答曰一身之進退視乎命若借商民資以營進取與爲盜何異會藩札加稅磁船君體

卹深至毫無苛派竟以是撤委而船商具額頌德則至誠感孚也已亥再署太平府事辛丑補池州知府旋改守廬州九月丁外艱歸乙巳冬直隸保奏道員加三品銜皖人士日望君出至聯名來書敦請君悉溫語慰謝之蓋自讀禮家居後築退耕齋於巽隅課農教子之暇喜飲酒讀史味且蚤起盥漱治家以勤以嚴樂與村父老共談桑麻及軼聞舊事有味乎其言之也戒飭子弟舉動言行以誠慤爲本宜恬退勿涉躁進先立乎其大者斯可耳壬子春饑有匪亂君聯資糴粟寓防於賑鄉里以安秋櫻微疾數日卒時七月五日也里人

四續掖縣志

卷六

藝文

二十二

哀思如失保障年六十歲君至性敦篤母侯太夫人卒時君年十四其妹七歲皆倚長姑李孺人撫育癸巳李孺人卒君在皖提調捐輸局設位而哭與兩弟霆榮紹榮雍睦無間言子二長純熙官名士儁候選主事次雍熙庠名尙民政部主事皆喜臨池好收藏古籍見重士林君旣歿其家寄行述乞爲傳

董錦章曰余家與杜氏世有戚誼君迺余表弟也任郡守時余在家習聞循聲泊告歸間邀余飲見其恂恂謹飭如儒生每言讀書之可樂以是知君之所得者深矣詩曰樂只君子

民之父母觀杜公眞父母之譽其深恩厚澤洽乎民心非偶然也孟子言人必有不爲也而後可以有爲觀君之不以商民資營進取則毅然有所不爲其能有爲也斷可識已惜世事之日非也而君遂杜門不出矣退耕齋中蕭然自適垂訓子弟力戒躁進可爲仕宦熱中者一劑清涼散也余所以樂爲之傳也

李俊甫傳

柯劭忞

先生諱培秀字俊甫萊之望族世所稱明季甲申四君子南居公者先生之八世祖也劭忞出於李先生爲劭忞舅氏行

四續掖縣志

卷六

藝文

二十三

憶髫年時隨先太夫人歸寧母家獲拜先生於塾中後宦遊南北虧省視者近六十餘年皇清退位之五年丙辰秋有鄉人來京者詢及外家事始諗先生之品學洵有可爲世範者先生少失恃家貧撫十二歲妹九齡弟每出入或負或攜外大父行諱惟熙嗜酒曠達好急人之急以故家愈困先生晝操井白夜課弟妹如是數年外大父不知乏中饋之艱故年四旬餘不再婚旣先生娶侯孺人尤以賢聞於戚鄰先生始得出師鄉塾晚補弟子員教弟培厚先已入庠有聲士林間初先生授徒時兼習岐黃青烏術遠近求者識與不識無不



赴然必約塾中假期方往往未嘗留飲食以故每自外歸輒呼饑家人以何不留飲對曰汝不知一客食全家忙耶然晚年卒以此致咳症不起呂尙書鏡宇先生之內表兄弟也趙將軍次珊同師門宮允鐵珊亦先生近族姻也霍家親方赫赫時先生淡然如不聞曾無一紙通竅款此劭恣宦京師所親睹無俟於所聞也若雖庸行吾見亦罕辛酉秋晤先生之季子海亭表弟卽以所聞者述之初不知卽海亭之本生也方爲一快海亭泫然曰先君子行義不意發諸鄉先生而將刊於哀集以光泉壤惟賤子尙有趨庭訓一則敢請附諸傳

四續掖縣志

卷六

藝文

二十四

後予曰可雖於法義不合然古人亦有行之者吾何爲不然

林砥生傳

董錦章

砥生姓林氏名鍾柱掖縣人父次來先生牟貽咸豐辛亥亞元任通州石壩州判攝赤城篆兼署獨石口同知砥生生而穎悟幼承家學隨侍任所在都與諸才俊交學日進比歸登己卯賢書益覃思經史研究詩古文欲自成一家言林爲吾萊望族子弟少年多才而砥生尤材華卓出交友有肝膽見人一善輒樂道不去口與弟鍾檢及生友愛甚篤砥生旣專意讀書聚書甚富博聞彊記與人言則傾筐倒篋而出之聞

者嘆服及生遂秉家政閒爲設色畫渲染生動居亡何砥生  
僑勞山其所居距山十餘里暇日則盡探幽勝互古文人學  
士所未至卽漁父樵子所未能跡者皆冥搜窮索細大不遺  
作爲詩歌紛綸鬱勃故勞山至砥生而始闢砥生爲寓公而  
名山藉以生色墨邑人士咸引重焉與山中居民及諸方外  
狎每攜友遊山山中衲子見之皆呼林先生欲援而止留寺  
中勿卽行是時及生已歿而砥生年亦將老矣在勞數年吟  
咏日富忽得疾稍愈司鐸東平旋返仍寓卽墨之南邨又久  
之始歸歿年垂六旬也竊念平素良朋砥生與余結契深而

四續掖縣志

卷六

藝文

二十五

余亦心知砥生最悉己卯至戊子十年間每歲輒數數見見  
輒論古今文體正變詩學盛衰及興廢事砥生之才若不可  
一世而卒不得行其志自己丑後余以饑驅漂泊靡定砥生  
則遁迹二勞欲爲勞乘以信今傳後而以疾輟業與余商訂  
數事而皆不果詩彙爲東溪草堂詩鈔未刊其它著述亦皆  
如雲煙之散佚不復可問噫其可哀也夫

翟月樵孫康侯合傳

董錦章

吾友翟月樵語余曰魯頌振振鷺鷺于飛鼓咽咽醉言歸音  
節絕妙似古樂府余有味乎其言自是詩日進月樵名瀛改

名啟字懌堂掖太學生父朗卿先生魏珍明經有文名月樵工琴能笛善繪事其於詩也喜陶少時擬爲之中歲則一意於畫而詩不輕作其書法摹聖教序日臨一紙而性喜山林有鐵笛一遊覽與俱因以爲號辛酉亂後澄泉辟難郡中與諸名士結社唱和社名留餘春翟氏得四人錦觀君素鈞伯平瀛月樵熙典式文也孫氏得二人寶謙光甫寶晉康侯也亡何君素光甫先後歿己卯式文歿於歷下伯平以一榜筮仕中州歸已耄久之歿其詩皆若傳若不傳惟澄泉詩能有成名播畿輔喧動齊魯江淮間而月樵康侯詩未付手民月

四續掖縣志 卷六

藝文

樵歿人但見其畫耳月樵性至孝生母吳氏待戚族及嫡室女有恩誼每教其子月樵多聚書慎擇友蓋月樵甫數齡朗卿先生及嫡室已見背矣生母疾月樵禱神願施畫爲母祈福比母氏亡月樵廬墓其畫往往五姊代爲之五姊吳氏出也早孀以節見夫以月樵之高逸至行敦篤其志恆在於古而奄忽以逝亦可哀矣卒年六十一自余聞月樵偁魯頌之言每語人曰月樵於詩殆有妙會云邑太學生知名者月樵外有孫寶晉康侯

康侯孫二光甫弟也祖孕竹乾隆間以舉人任教諭父靜涵

先生叔方道光壬辰舉人博平教諭康侯與諸君結詩社時論古文必周秦西漢論詩必盛唐結思遺詞往往徑路絕風雲通至中年竟以病廢蓋自兄光甫之歿鬱邑多屯難長子鏐以諸生顛癘投水妻殉之月樵在歷下爲徵詩其遇亦可悲矣月樵康侯有戚誼月樵廬墓及處家庭之善康侯每向余傳道焉光甫臥園詩鈔澄泉爲刊之康侯有學行其謙挹出於自然而晚歲困甚卒窮餓以死其得年與月樵若嗚呼此余傳二子所爲仰首長歎輟不律者再如聞颯颯悲風之四集也詩稱思古益稟有句云風衣不可整爲澄泉月樵所

四續掖縣志

卷六

藝文

二十七

賞澄泉贈月樵云好遊復愛詩慕陶輒成癖時於同社內崑岷聳高格題康侯思古益稟云凡材老死那能奇洗眼看君擬古詩力與乾坤鑿混沌心穿洞穴鎖支祈卽澄泉詩可想二子之所詣也月樵詩以鳴琴館名與康侯皆留社中人也

王念齋傳

董錦章

念齋姓王氏名續藩號筱園始祖由萊陽遷掖五世祖璣天順己卯舉人歷任知縣以循吏稱十二世祖舜年順治丙戌翰林仕至晉藩念齋所由命名也祖父皆諸生念齋弱冠入郡庠食廩餼歲科試屢膺優等己巳歲貢凡達官至萊者每

樂與念齋相接也光緒戊子科主試者爲祭酒盛伯義先生得念齋文甚異之拔置第二念齋久爲名下士老而始遇聲稱益藉甚己丑會試後在遷邸教讀適崔子萬郡守聘主北海書院講席遂歸主講十有五年凡攸關身心之事必舉以示學者官獎外自有捐獎皆踴躍奮興多所成就張恕琳太史其尤著者也持身廉介待人取友悉本於誠樂安劉公步亭爲萊教授有友託念齋轉貸亡何教授回籍沒而友歸款於念齋遂自往償或代爲計靳弗與而念齋曰不可竟償以歸其公直多類此堂叔詒厚公精天算念齋得其遺草舉以

四續掖縣志

卷六

藝文

二十八

誨人其於古今碑搨搜羅尤富鄭滎陽石刻在邑之南山念齋集爲屏障偶聯咸願購得之以爲滎魏紹程邑侯刻三續邑乘專以相委於古蹟訂譌甚饒古意好聚書充架溢篋其左右前後紛紜羅列皆書也間出諸語有幕賓周姓一榜念齋與語曰舉人之周也周請轉作答則曰徐之厥明往詣曰歲貢終王其時尙爲明經也聞者嘆其瞻雅家素貧弗治生晚歲徹講席而志節益厲卒年八十六戊子科中本省鄉試第二名揀選知縣同人捐義賻以葬並爲立碑論者謂掖自侯端介先生後其傳人有王念齋也

王節婦楊氏傳

董錦章

節婦楊氏掖東北鄉楊家村楊璽次女年十九適邑午城大任家王田爲繼室甫數月田貿易於外病故次年生遺腹男自愷時年二十也田兄弟三人田居長曰園曰產者其弟也產自外扶兄櫬歸葬氏少孀其母以改適諷氏潛然不應爲間言曰兒已爲王氏婦而庸得爾乎志決矣願吾母勿復言由是事翁姑睦娣姒各盡其道內外咸稱節婦賢比翁姑相繼逝而家日以困自愷生子男四盛華順華美華昌華盛華幼失明延瞽師氏與叔析箸已有年而自愷與婦皆亡井白

四續掖縣志

卷六

藝文

二十九

氏親操之庖爨之役氏躬任之也瞽師之餐及用度皆氏供之也斯時也諸孫與孫女尙幼皆氏撫之也厥後美華昌華之娶婦皆氏經理之也其次娣早亡遺二女三娣亡遺一女皆氏育之嫁之也無何產又亡遺一子芝芳芝芳妻早亡遺幼女十齡賴氏撫養之而教督之有方也芝芳憫氏孀貧以己產業歸氏自出外謀生爲氏給銀市甘旨使其孤女依伯祖母以活不自更娶也芝芳稔知氏者也氏當極貧時或連日不舉火餓而乾不可食碎爲屑和水茹之其艱也如此然非義之財不取其孫拾裘一襲飭訪所遺者卒得其人歸之

能以義命自安也光緒三年五月二日卒年七十又九守節六十年也孫炳藻茂材曰節婦既賢諸孫輩皆事之唯謹或見氏不悅則多方嬉笑必博其色喜乃已其孫順華孝尤篤祖母歿思之甚恆至墓上痛哭未匝月夜聞祖母呼聲不數日卒豈所謂誠通幽冥者歟節婦爲茂材外繼伯祖母芝芳其舅氏也節婦沒時茂材年十三能記憶矣幼從母在外家於節婦之音容舉止猶能溯之歷歷在目也茂材字鳳軒西由鎮人

土山小記

董錦章

小阜耳而名名之者酈氏也山下有潭以可禱雨也而龍之然禱矣而有應有不應則山之靈仍資乎人非能自爲也有祠祀魯王乃龍神或曰魯卽龍之轉音也北望滄溟萬櫂浮天今更有輪艘往來可覘世變鹽池環衛雪霜高積古傳煮海今曝烈日久則變通理固有然南有黑嶂突起爲掖平之界名界山其石若碧羊澱澱蹲伏巉巖可入詩材西南黃沙緜互海倉諸村警若有觀河水縈帶傳爲寒浞之遺焉假令酈君生於今日不知作何形容吾爲土山幸而轉以不及見

四續掖縣志

卷六

藝文

三十一

古人爲憾也

土山記鹽補

董錦章

鹺場利迭出弊亦滋深憶乙酉夏林子砥生偕余往遊砥生爲文記鹽未詳曬法余補書之掖西由場外其曬鹽者曰土山云歷代皆煮鹽國初始有曬者有池有井池曬之所井則蓄水以備汲入池者也曬必別水宜聽以耳揣以目或刺指於水消息微茫非盡人可能後乃易以蓮子湖蓮上盆蓮次之以性善沉遇滴屹立也擇數枚取試水水有淡有鹹淡者輕鹹者重未曬煨曬則老老出鹽易而速煨難而遲過則竭



適中善首夏風雨以時戽水入池一夜滷漸結若大雨池溢投以蓮子判若涇渭淡水淨撤埃蓮子呈露水乃可用日試之悉差數三四日水漸老加意調劑操縱惟命灘有蓄滷所曰滷園三分其池爲之欲調水取諸此當南風煦煦午曦薰蒸水上小波突起下必有鹽花旋生旋滅而鹽告成善者曰鹽沙堅而鹹大如鷄卵色微青此上品次亦凝較黑味在鹹淡之間又次曰角鹽如麪如玉屑合之刑肖甌皎同霜雪淡而易敗斯下矣近日運者得鹽細若粒米中含微滴載不二十里輒數皆角鹽類曬者故爲此以相欺耳程功自正月杪

四續掖縣志

卷六

藝文

三十二

哉修池繼浚井終議曬循序漸進毋躐毋怠定例三月二十起六月二十止比歲運鹽豫省各灘廣曬而弊不可問秋灘非法也始戶賂官繼官促戶良可於邑曬值大霰雨雖夜必收鹽用健少以防物化光緒己卯二月上旬海潮奄至鹽井淤平費工直甚鉅次歲七月中澣夜大潮溺殺數人壬辰七月上澣災尤劇古傳魚鹽利庸詎知其害若此掖舊煮鹽有鍋有草場今變更如是況天下事乎質之林子當增感喟也丙申三月書

記平里驛

董錦章

邑北三十五里有平里驛其附近之村又有嬰里此驛有嘉慶間碑若於晏子深信不疑復援晏樂窩爲口實嘻碑果可據乎哉泰山下有亭亭山土人稱云亭山其碑亦然考泰山道里記始知爲亭亭山也安樂窩後人稱晏樂非也嬰里當云晏里斥名非也此皆流俗無識之所爲姑弗深論古稱勞山爲牢盛山盛卽成也登郡成山距二勞頗遠古人之文與後人斤斤字句者不同太史公以晏子爲萊之夷濰人意古人載筆第約略言之未確指其區掖濰非甚遠例以牢盛亦自可通矣晏子固太史公所執筆欣慕者也余每過此驛甚

四續掖縣志

卷六

藝文

三十三

有意乎晏子之爲人也

記古過國

董錦章

邑志城北有過亭爲夏過國按亭久圯不知始建於何時何地今平里驛西北有諸馮村村外地曠而下土人名都子國

家古讀姑與過音近過都殆一聲之轉子蓋語詞

卽過國也襄四年左傳杜注掖縣

北有過鄉今諸馮距城四十餘里村西有過西僅十里則亭當距二村不遠近歲諸馮村外烟霧中尙見

胡甸切

城市蓋亦

海市山市之比嘻異矣吾邑西部有土脈隆起直至濰之寒亭而止相傳爲寒浞之遺而過亭則久湮余擬立石於諸馮

村署古過國題詩其上云夏國荒邈無遺址不謂今尙見城  
市亭廢難與寒亭比讀過爲都諺在耳

### 資聖寺重修臥佛殿記

杜榮植

粵維竺乾闡化柱史資其玄樞身毒誕靈宣尼讚其聖號蓋  
以我釋迦如來具真實相現權應身梵志買華善根早植瞿  
曇咒血貴種遂孳於是下兜率陀宮生迦維衛國井絡溢流  
於中土恒星隱曜於上垣紺髮右旋螺絲十尺白毫遠映珂  
雪八楞若其六年修道三界稱尊入金剛定以降魔出海潮  
音而說法導羣迷於智岸納衆有於妙門圓覺持而眞諦悉

### 四續掖縣志

#### 卷六

藝文

三十四

空法華唱而通身盡笑三乘賢聖飛行檀特之山十地華嚴  
晏坐摩伽之殿迨夫慧日西沉慈波東漸法臺聞於姬滿石  
像獲於嬴秦摩騰白馬之文乃傳梵筵陀利赤烏之刹爰肇  
淨居自後此方代崇大法精藍旣遍乎沙界信侶復盡此閭  
浮莫不規袂影於雞園模眞儀於鷲嶺佩如來之密印傳達  
摩之信衣如到香城儼同法會斯固削竹難窮其跡摧毫莫  
罄其名者矣資聖寺者元代臥佛寺也四衆習禪天開香界  
雙林示寂地湧寶牀頂髻梵王捧金壇而雪涕花冠大士撫  
香象而來臨三世之身悉圓一眞之性不壞無如市朝遽改

舟壑再遷失金像於廣州不逢陶侃淪圓光於合浦未遇高  
恢及我海印法師來主茲寺飯食經行之地忽放異光香花  
供食之辰深求遺蹟繩引而善王擁護錘揮而大地動搖現  
萬字胸出千輪足寶蓋五百法俗盡來瓔珞十千人天畢會  
昔優填雕木尙有待於形天慈氏搏泥且久稽於塗乳法師  
智瑩宗鏡道契元珠悟彼夙因宏斯願力淨財雲委輸龍藏  
而不空善匠風成望鶴林而非遠遂使莊嚴具足瑩飾周施  
碧瓦魚飛丹梁獅拄星臨珠殿與釋網以分輝風動瓊柯偕  
天琴而送韻寶階三道上通忉利之宮行樹七重近接彌陀

四續掖縣志

卷六

藝文

三十五

之國圓成此無量功德安住於大般涅槃某雖住定林髮未  
燔於居士曾從惠遠酒弗禁於先生謂粗窺乎釋氏之書遂  
囑付以頭陀之碣慨自大茅祚盡甘蔗族衰曷羅之主云遙  
善法之堂已閉魔軍十萬億波旬捲土以重來末法三千年  
彌勒居天而不下梯凡入聖幸同依淨住法門轉暗成明願  
盡入無遮大會則靈運辨宗之論超萬劫而生天次公輔道  
之編持一華而見佛

重修楊公橋碑

張恕琳

萊郡城西十八里神堂西有石橋曰楊公橋楊公橋者縣志

載揚臥雲太守秘所建故名溯自清光緒五年歲乙卯周少蓮邑侯重修之後迄今三十四年矣地當海疆通衢人馬輻重日輶輻絡繹不知凡幾石之磷者日益稅缺者日益陷橋下平地日益窪隈陲馮馮陟降維艱行旅苦之爲是首事諸公建議重修以請諸官馮菊農縣長捐廉爲之倡四方鄰村咸應之有邑紳杜公葵臣者自其先世慷慨多善行曾修此橋此次復出鉅貲以終成其事圯者補之衰者掉之因其狹也拓之使廣慮其斜也埏之使平其東北地低凹衆水所匯屢爲橋患因更建短橋以障之兩橋相距丈餘悉鋪以石如

四續掖縣志

卷六

藝文

三十六

砥之平由此往來行人無復有困石需泥之患而諸君子之樂善好施其利濟之惠爲無窮矣橋之南有泉清淺漣漪混混不已菊農縣長甚有取焉而並濬而修之名曰菊泉亦甘棠之思也竊聞人之欲善誰不如我特恐未有倡之者或倡之者非其人斯難耳誠得賢縣長如馮公富紳如杜公官紳合意身率而倡導之一時好善之士皆將聞風踴躍助成盛美事則事豈有不舉者哉是役也經始於甲寅四月丙辰三月落成首事諸公喜其功之旣成爰記於石以垂久遠因誌顛末俾後之人有考焉

勸興水利廣樹藝歌

張星源

歷查縣境地狹人稠物產不足衣食多愁飢寒交迫風俗日偷上失教養於民何尤念我窮黎是用隱憂惟於水利興辦宜籌又於樹藝聞見廣搜水利伊何引渠開溝度勢高下衆力同修臨河若遠鑿井汲流膏爾土地漑爾田疇時卽亢旱依舊豐收若夫樹藝更須講求物土之宜布利維周葡萄掖產他處無儔西人造酒重價購留取彼柔條火炙節頭插入田畔萌芽自抽兩年以後結實如旒更有美利楚繭椿綢能成兩季一春一秋楚本易植一載滿陬蠶復易養葉底樹椹

自眠自食惟防鳥羞人工既省獲利更優勸爾百姓三者亟謀勿泥其舊勿惰勿媮生計漸裕致富有由得千鍾粟等萬戶侯歲歲無饑鼓腹歌謳

民國

忠烈祠志序

張正諒

忠烈之事蹟不必以祠傳也而祠實典章所係祠之興廢沿革俱詳碑記不必以志顯也而志尤文獻足證吾掖翟子蓮溪留心掌故博採旁搜殫見洽聞輯史乘傳記以及諸名公當日身親目睹之記載凡有關於忠烈事蹟無不採擇他如條教號令之頒布奏疏案牘之遺留諸書偶所不及載者亦皆詳悉登記降及後人載筆傳信傳疑隨見輒錄惟求詳盡無遺而非有所去取是其用心之勤豈徒爲忠烈祠之功

四續掖縣志

卷六

藝文

三十八

臣已哉夫載籍必求其徵實而徵實惟期於有用前事之不忘是爲後事之師遼叛久遠後世莫能及見猶憶咸同年間南匪東擾先中憲公奉命辦團兩次城守一拒膠萊河毀家紆難躬歷戎行倡義以作士氣練勇以固衆志同甘共苦以繫人心其間先事之綢繆當事之劈畫經營防禦勞瘁困難炮火矢石之中晝夜於城上者每數閱月當時崇觀察汪司馬許則有大令俱甚倚重同心協力與前明守備各節在在相符讀是志也恍然如親見之是則此志非第以備掌故之考實爲悍患禦災有用之書獨是忠烈軼事由明而清以迄

於今朝已屢更世凡幾變而遺像猶存廟貌不改屢修屢圮  
屢圮屢修稱述讚揚數百年有如一曰故凡碑版題詠大而  
典章文物以下迄於聯額瑣屑之細微歷皆入志於以見天  
理卽在人心人心不死天理常存忠義之氣昭垂今古斯尤  
有關於世道之重爰約其梗概而爲之序

張敬懋鄉諡序

方維翰

考之易名之典上自唐虞迄昭代至於今自天子之公孤卿  
貳至諸侯之卿大夫其列於朝而聲施爛然彪炳寰區者業  
已祀於瞽宗列諸國史固無俟鄉人稱述矣其下之格於例

四續掖縣志

卷六

藝文

三十九

而不獲上請於朝者但使瑰意崎行足奠我邦家以矜式鄉  
里亦咸有易名之禮以上與錫典相輝映以存其人之真以  
抒鄉人之誠上之人亦樂從而色許資以勵人心敦民俗也  
在昔夷齊抱節展禽亢宗一字之褒榮於華袞自茲以降來  
哲蔚起又豈獨彭澤以靖節馳譽深甯以厚齋行世已耶如  
吾邑之敬懋先生者此其人矣先生姓張諱正諒字益仲爲  
先太史中憲公之嫡子翟太恭人出也生有至性事親克孝  
友於兄弟天資英妙承累世之家學淵源又富於書史故益  
溺苦於學窮晝夜頷頷有有子惡臥自燂其掌之風遂博通



經史早歲入泮以優廩生選乙酉拔貢中式戊子東闈經魁已丑會試挑取謄錄咨送方略會典館充漢謄錄以纂輯平定回苗各匪書成議叙超等奉旨分省以知縣用時光緒二十一年也中憲公捐館時先生尙幼侍寢疾衣不解帶藥必先嘗每進食飲必躬必親歷久無倦容怠色事太恭人亦如之其居喪也雞斯徒跣哀毀骨立不飲酒不茹葷不入內室葬祭以禮服除既久遇令節誕忌拜奠容與輒嗚咽流涕而不能自克其天性然也及次當謁選其年家故舊大僚顯秩爭來速駕函電交馳者踵接於衢先生以太恭人年日高色

四續掖縣志

卷六

藝文

四十

養須人又以時政紛歧不欲挂名仕籍有虧子職故一切謝絕一以承歡課子爲主有姊二一適陳生一子二女嫠也一適翟生子二女二先生皆迎致於家撫甥男女以養以教視如己出以上承母志下慰姊心兩甥果以弱冠補博士弟子員咸克自立翟甥夭歿先生任咎自責以爲調護未至所致其篤愛如此及太恭人棄養先生亦頽然老矣先生清臞醜立目瞻焉不能遠視而精神淵著繩趨規步賢貴無所挾以故識與不識望而知爲長者咸敬重焉凡守令蒞茲土皆知先生世家子又巍科宿學人望所歸故遇地方一切要政如

賑如捐如兵如團如勸學育嬰選舉自治防務平糶諸事靡不延請先生首爲之倡集議詢咨以定可否先生承先人急公好義之遺志遇事不可必爭爭之不能必力辯其非卒能旁譬曲說俾歸於正然後卽安而當道亦愈憚其直愈知其賢或以太戇譏先生弗顧也先生志在除暴安良振貧恤孤保境寧民興養立教凡所面折廷爭無一非衆口所欲言而微先生則無敢言者先生獨侃侃言之故鄉里依若砥柱長城者幾四十年卒以去歲再辦平糶延先生爲首區所長躬親驗放無濫無遺星夜况瘁廢膳飲節以病遂不起鄉人始

四續掖縣志

卷六

藝文

四十一

懼繼先生以起者將一變先生之所爲而不顧民心之從違一聽官府所驅使借以剝民膏而削民脂民且無措咸咨嗟涕洟如嬰兒之失保母也蓋先生稟承家學以通經致用爲務考據著作兼擅其長尤肆力於書畫篆刻晚年一目茫矣猶以臨池及詩古文詞自娛而求書者益夥書益精先生亦不自靳惜高其位置染陋習索潤筆勤勤懇懇無親疎貴賤必應其求乃已然得者已羣爭衆奪若拱璧矣嘗自鐫一章曰學守程朱書法右軍畫宗倪黃篆刻仿周漢非虛語也鄉之人謚先生畢偕來告予曰先生將葬剛日已卜君其序先

生哉予故不文然於義又不當得辭雅不欲作溢詞夸語蹈  
前人諛墓之譏貽先生過情之聞僅就所聞見撫其梗概以  
存先生之真而非敢謂盡先生之蘊也至其排大難解兵氛  
弭寇亂防客軍繕城浚隍分貧振窮經學震於西土餘慶延  
及子孫英聲偉伐昭人耳目已詳於行狀墓誌茲不具昔孔  
子答子貢之言曰不如鄉人之善者好之其不善者惡之是  
言也請以質諸鄉人之好先生者惡先生者與夫能盡先生  
之蘊者則先生之諡敬愨也可無愧色而論定矣故奮筆序  
之

董蔚堂行狀

尙慶翰

先生諱錦章字蔚堂又字葦塘別號襄邨又號寓園族居掖西登邨曾祖克翰例贈文林郎祖蓉峯從九品世有潛德父桂馥字月林號文圃軍功六品職銜士林推重高密傅少隅先生爲之傳以爲先生之學之所由成伯兄諱煥章字星垣其次卽先生由縣學生中光緒丙子科副榜戊子科舉人揀選知縣大挑二等委署博興縣訓導卒於國變後九年庚申七月二十四日享壽七十六歲聘張氏娶于儒人繼徐儒人子鸞翔嗣孫貽永著有尙書今文證二卷學庸遵注四卷增

四續掖縣志

卷六

藝文

四十三

錄一卷論語贅筆四卷補遺一卷惜餘軒初集簡言二卷雜文詩六卷續鈔雜文詩四卷三鈔雜文詩二卷四鈔雜文詩二卷五鈔雜文詩四卷餘編二卷萊州府鄉土志二卷掖縣鄉土志四卷先生嚴毅篤實本諸庭訓忠孝大節根於至性客遼東或饋蒲萄憶妣氏病中嘗思食對之泫然流涕設帳揚州數月思親亟辭館歸兄姊先亡悲念不忘約族人修先墓植松柏諳諳戒里鄙守禮法毋以勢凌人擯斥二氏及他旁門雖戚好不稍假借自少至老無一日廢學七旬後燈下書細字校錄不輟戊子東闡宗室盛伯義祭酒得先生文知

爲宿學拔置第七名既入都晤同年福山王文敏公講考据訓詁之學頗相得文敏公既盡節先生哭之痛僅兩應禮部試省檄委署博興縣訓導不就海豐張鳴岐撫廣西請入署將從受學辭弗往萊州知府李吉珊恩祥知縣沈世銓子衡昌邑知縣趙聰甫燭重先生學行甚加禮敬先生與之詩文唱酬無所私所交如孫康侯寶晉王念齋續藩翟月樵啟孫介明昭煥諸人皆處約潛修之士而與平度白澄泉永修濰縣郭蓉汀恩孚高密傅少隅內鑑同邑林砥生鍾柱日照鄭洛三熙嘏諸先生論學切磋尤爲深契有所作必質澄泉澄

四續掖縣志

卷六

藝文

四十四

泉指其得失卽應時改諸人所作亦盡言無隱澄泉嘗謂於學深得葦塘之助主講平度膠東書院昌邑鳳鳴書院在昌邑稍久邑人士以是知古學先生不善與時俗周旋見客數語外卽危坐無他言以是所之多不合國變後自署爲故國遺農因詩文以見意傅少隅嘗謂並世之士如蔚堂者眞山林人物也歷城張振卿總憲讀先生刊行諸集寄詩推仰謂三百年來無此作知先生者不以其言爲溢美先生篤守漢學治經以許鄭爲主擷本朝諸儒之長間有異同必求至當而兼取考亭陽明謂鄭氏精詣在三禮大學祇一篇文字不

得別何者爲經何者爲傳無闕文錯簡不須補移閻氏之說甚是王陽明說大學與注疏合李安溪遵信程朱至說大學用古本論語集解精義迭出皇疏勝邢遠甚朱子解有朋自遠方來曰同類爲朋類字至精考錄今文尙書旁證古書其可據者用大字書其細字分書者以段氏撰異爲主并摭王氏述聞俞氏平議及諸家說勒爲一編而弗取孫星衍王鳴盛江聲三家其說詳於學庸遵注論語贅筆尙書今文證論易有太極宋儒於極上增無字是援莊以說經三百篇當從詁訓傳箋多迂曲古文尙書之僞可以文詞知之大禹謨汝

四續掖縣志

卷六

藝文

四十五

惟不矜四句似六朝儷語旅葵不作無益害有益四語近宋人四六論三百篇用韻有複韻句中韻隔句韻駁顧亭林詩本音援据古籍確當不可易先生經說並散見於惜餘軒各集中多發前人所未發茲謹掇其大略先生病近世古文家啜八家糟粕日就卑靡編古文校錄四卷自國語至後漢書范蔚宗傳論勘其字句之魚魯正俗本句讀之譌謬評贊諸家之篇法句法字法並於其用虛字見風神義理皆自來論文者所忽略說經之書亦時及古人文字之妙卽各集中論文之篇綦多能讀先生全集者自可得其指歸論詩以漢魏

盛唐爲主戒學者毋輕學元白宋人於近代各家亦不沒其所長惜餘軒古文簡奧淡折自成一家簡言精粹逾子書詩五言暨樂府尤高古絕倫蓋先生制心立行以聖賢爲依歸根本既盛發爲文字粹然一出於正舉阿徇穿鑿攻擊駁雜輕靡纖佻文人易蹈之習一掃而空之小子從先生遊久同學見推俾撰錄先生行事義不敢辭懼濫懼漏撮要紀實兼附管見以告有志於學之士與世之大人碩儒或惠以傳誌兼備國史儒林之採擇受業尙慶翰謹狀

張心如傳略

杜榮楨

心如姓張氏名恕琳號雲門掖人性淡靜讀書外無他嗜父  
士田奇其志使從邑諸名宿遊益刻苦自勵資修脯及官課  
膏火以爲親養光緒丁酉以選拔貢成均二十八年舉順天  
鄉試明年成進士改庶吉士是時朝廷方議變法闢進士館  
集新進士講習時務心如潛心爲學新舊兼賅同館皆推重  
期滿奉詔東遊覽其山川風物與夫興衰強弱之故學益進  
及授職編修迎父母就養甘旨無缺父母安之若家居京宦  
清苦未嘗使聞知也戊申丁父艱扶柩歸葬仍奉母居京入

四續掖縣志

卷六

藝文

四十七

督學局歷充齊魯學堂及京師第一女校監督服闋加侍讀  
銜操履端潔不事干謁然公卿間亦稍知有心如駸駸且向  
用矣未幾值國變泫然曰世局奇創至使讀書之士無由以  
志節自見前途尙忍問乎揮涕出國門歸經濟南時要津半  
魯人知交中喜其來境界以重任婉詞謝之卽日就道楊若  
米駕部方守萊心如會試出其門稔心如貧延長教務值黨  
派紛歧各思擁心如以爲重乃避去作遯石說以見志因以  
爲號杜門不聞世事守令慕其品或造廬請謁率謝不見心  
如與余教最久歸隱後契合尤雅余家有山墅在嶗之太平



宮側中多竹囑爲致書道士吳介山將移家爲終焉之計且曰清泉白石與子共之會山中弗靖遂不果益復匿跡銷聲門庭闕如日惟擁書坐緝無儲粟晏如也有所撰述皆未成書工臨池分隸尤入古山水法婁東涉筆超雋詩學韋柳擬古諸作又逼近漢魏然不輕示人故所傳絕少心如事親能色養母性嚴或因事有不懌則屏息侍立意解而後已舅氏劉孟野爲留社詩人老無依身後事皆備之心如旣而家彌窘以外舍質人更啓數椽於親舍旁母聞吟哦聲輒喜以爲母子相依宛然紡燈課讀時也已未秋病知不起爲文自誌

四續掖縣志

卷六

藝文

四十八

并遺書戒其妻若子善事母母持之泣曰吾惟育爾今吾年且老爾死吾何生爲心如乃大哭竟悲塞欷歔以死年四十五子燭方九歲友石隱鐫其自誌文納諸墓

邱丕振家傳

邱天璧

烈士丕振姓邱氏名天作以字行世居掖西之珍珠父諱金相有鄉望生母姜氏同父昆弟共十人行七貌碩而豐性沈毅慷慨有大節家世業儒諸兄在庠序錚錚有聲而丕振不屑也常有班定遠投筆之志年十七入濟南武備學堂肄業成績頗優會送日本留學在振武學校數年回籍適辛亥革

命事起不振爲國毀家購辦軍器招集義勇起義響應恢復登黃會清帝遜位項城袁氏被選爲臨時總統不振解甲歸田明年被舉爲省議員嗣後袁氏欲潛帝號仇視革命按紀勳簿逮捕黨人凡爲革命首領無一得免者不振乃亡命海外袁氏懸金購捕於時總理孫中山先生委不振爲北方革命軍領袖總轄機關旋即於昌圖鐵嶺等處起兵不幸隨起隨仆與事者均被捕殉難惟不振得脫斯時與直魯軍隊頗通聲氣有聯絡特困於經濟未克大舉會南方重要黨人譚人鳳熊克武李烈鈞等共籌款數十萬願爲臂助乃冒險回

四續掖縣志

卷六

藝文

四十九

國擬自天津入馬廠起事詎料爲仇人張某所給甫出租界卽爲邏者所獲某月日於濟南被害嗚呼慘矣民國五年五月天誅袁氏推倒洪憲省議會發起追悼會其仲兄文圃爲撰輓聯有云同心旅東日數百人慷慨偕行壯哉盟訂白馬誓抵黃龍一腔熱血滿襟淚回首咽西風十餘行淋漓遺稿已矣抱乏石麟憤增鐵象三尺孤墳累世香足以見其梗概矣

翟蓮溪傳

張正諒

古人命名之義往往終身奉爲師法顧人之能不負乎其名

者有幾此先儒名說字說所由垂訓也吾掖蓮溪翟君夙慕濂溪周子取名衍濂而字曰蓮溪以深寓其景仰未敢附託之意蓋周子上承道統之傳爲宋代大儒稱首後學安敢妄有希冀惟私取其愛蓮之說借以示潔清白好由此而漸進於學此其品地固自超出乎尋常以上少年穎悟早膺茂才高選搢紳士庶官斯土者爭欲延請師席教誨其子弟聲名藉甚一時君爲人廉介自持不慕科舉之學獨好留心掌故搜羅遺軼借補記載所未及往往有關地方重要郡有忠烈祠者前明徐謝兩中丞及太守朱公殉難賜祀所在歷年久

四續掖縣志

卷六

藝文

五十

遠曠缺良多君博採旁搜由國史志乘文牘傳記以及祠宇之創建修葺碑版額聯莫不稽核精詳纖悉備錄蓋竭數十年之心力名曰忠烈祠志當屬余爲之序余謂凡事必求徵實而徵實惟期有用是編也非第以備掌故之考實爲悍患禦災有用之書非虛言也晚年境愈困志愈堅節操愈嚴而樂易近人坦然自得所謂不戚戚於貧賤不汲汲於富貴其素志有如此者歲在己酉舉行鄉飲典禮全學欽君宿德舉爲大賓例得同知冠服非所好也迨至國體變更徵發繁重財政困難上游虞收支經用之有冒濫也通令縣各設管理

員專司地方公歛屬官府者由省署加以委任非老成練達公正廉明者未克勝任全縣舉公充選時則社會競爭之風盛行少年豪富有因謀此職而未得者倡爲非家產鉅萬不應當選之說蓋知君之不以富名欲借此以遂其傾奪非功令也君卽奉身而退毫不與較大衆方共爲不平地方長官亦甚惜公之去且爲異日財政慎重計也特任君以名譽董事以監察管理財政之出入焉君皆順聽自然分毫無所介意苟非效法周子得其萬一而能表裏洞澈嶮然不滓若是乎年已耄耄飲食步履如少時舌耨筆耕命儔嘯侶雖家無

四續掖縣志

卷六

藝文

五十一

儋石之儲晏如也年七十有七以辛酉年八月初一日未時卒前數日猶與余相見歡讌如恒則其所養可知矣嗣君榮榔檢君遺稿得會心齋詩草考訂鄭康成年譜呂東萊家譜雲臺二十八將詩註草等若干卷出以見示觀其著述皆營營世故爭名奪利者所不肯爲而君之苦心孤詣惟於是乎在亦可見超然事外不爲物累而其所視爲急不可緩者有非世俗所能喻也斯真無愧於愛蓮之風範歟爰約略其梗概而爲之傳歸諸其家用附載其家乘蓋聞其先世俱有傳云

處士李焯傳

張正諒

士有一行之善而不可沒者非其人之名必素著也夫有所爲而爲之謂之利無所爲而爲之謂之義旣已無所爲而爲之而爲之必底於成於是卽謂之義也可李君名焯字光甫家本寒素性好善汲汲如恐不及惟所處微故名亦不顯自有歷修各廟宇事人始共知而修廟發願伊始猶爲人所不知民國初年春夏亢旱人不聊生所謂五日不雨則無麥十日不雨則無禾官民祈禱奔走杲日如初李君不謀於衆不告於家獨自徧求羣祀遂投身忠烈祀朱公神座前長跪哀

四續掖縣志

卷六

藝文

五十二

乞數日夜不食不宿非得雨誓死不歸初不知朱公非司雨之神而李君亦並無尺地寸土之稼穡以待雨澤果爾普降甘霖霑足優渥萬姓歡躍但不知雨所從來李君家人求李君不得歷尋各廟始獲諸朱公神前奄奄一息已不能起大衆驚訝相與舁歸其家將養多日始能如常嗣後李君歷屆祈雨多獲不應發願修廟自此始其修廟也亦如祈雨一矢血誠始則立意倡修忠烈祠約結同志集合士紳並相邀推余爲首余謂善舉極所贊成但事由君起所在諸君皆能與君共事余何足關輕重况諸財政出入從來不願經手亦君

所素悉也李君謂余事有大衆共任惟覓緣立簿須求出名首列蓋凡緣簿之出必視乎人之能信事方有成尤願得一素能見信於人者爲倡名之必列義無容辭由此凡屬李君緣簿余名無不前列卽非李君緣簿亦多參列余名蓋諸效李君所爲以幸其事之克底於成也初修忠烈祠費錢若干千事集而功成繼修城隍廟工鉅事煩費錢若干萬事集而功亦成由是歷修城關各廟事集功成均如前例廟工非一處共事雖多人俱惟李君是賴惟其信之足以孚乎人也又以北城眞武殿明清兩朝咸蒙神佑詳見先大司寇神廟壁

四續掖縣志

卷六

藝文

五十三

記石刻及先太史公擒匪圍萊日記解困重修前後歲月相符夫豈偶然歷久欠修傾圯日甚丙寅之秋又將從事設局量功命日而君於九月卒矣僅遺孤女孀妻棺斂不能自給嗟乎貧可知也歷年以來數十萬金錢在握依然一貧如斯果有所爲而爲之抑無所爲而爲之得不謂之義乎嗚呼其亦可敬也夫其亦可哀也夫蓋地方淫祀必黜而正祀固所當崇國體更變以來時事孔棘典禮不遑除文武二廟遵例春秋致祭外諸載祀典功令未頒非惟廢墜不修好事者幾欲摧殘而拆毀之自李君倡修各廟城關之廟以次遞舉因

而全縣廟宇無不煥然一新雖非盡李君所爲皆因李君興起廟宇修則神道立人心正而天理存其有關於世道甚大而李君初不自知考其家世方知李君爲前明太守李公持之七世孫李公卽忠烈祠前建坊署名者也而李君修廟適自忠烈祠始其來有自吁可異哉爰爲處士傳用託諸歷代獨行之末

萬節婦郭氏傳

劉錦堂

節婦姓郭氏掖北萬家村萬中度四子福林妻也母家居招遠縣之大塚坡父鳳瑞弟德潤德和皆例貢生姪占魁光緒

四續掖縣志

卷六

藝文

五十四

癸巳武孝廉氏生而端靜年十八歸福林福林有兄華林青林桂林弟晉林書林而桂林讀書補弟子員氏幼嫻閨訓入門克諧閔五稔福林自京師遘疾歸竟不起氏悲不欲生且無子翁中度言必爲亡者立後以慰之氏忍痛受命自是事舅姑和妯娌舉家賢之中度晚歲患痰症湯藥需人氏以姑年高不任勞乃身任奉事滌濯裙屐數年無倦容翁歿又移孝以事姑嗟乎孝道弗講男子猶不知盡職况婦女乎至於身爲嫠婦又多習於驕慣非漠視姑嫜之疾痛而不問卽託於遠嫌退避而不前求如節婦之性行蓋不可多得宜鄉人

所以至今稱之也晉林兄弟中年析居氏亦能治其家歲時  
伏臘飲食祀先之需必與晉林兄弟同書林妻早歿有遺孤  
氏撫之成立卽今嗣子嘉棠也氏卒於民七三月年七十四  
猶子甘棠念氏之賢不忍沒以其行狀勾爲傳不獲辭爰掇  
記其梗概以備異日輜軒之採



日軍過境

張正諒

自日人佔旅大英人據威海德亦借端誘奪我青島擴充商埠開闢軍港日事建築並興修鐵路創立德國提督衙門屯兵駐守儼同彼之外埠而膠澳遂爲山東第一口岸歐戰事起聯邦與德奧啟釁德恃青島在我腹地往來交通頑抗如故地屬東亞海疆要隘尤爲日人所忌迨至聯軍封閉太平洋海道青島始行孤立英日相約合謀攻取以斷德人左臂我中國方嚴守中立彼之攻取聽由膠澳不能入我內海因派陸軍嚴防瀕海各縣由濰而萊以達登之各屬自萊以東

四續掖縣志

卷六

藝文

五十六

歸李圍長瑞亭統轄駐節萊城地方隨設防務稽查奸宄忽於民國三年八月奉令陸軍盡撤西退至昌東退至黃中間不留一兵一卒吾掖已劃歸戰綫以內軍令緊急片刻不停時則鎮標久裁警備未立萊郡幾若空城前縣馮公菊農請少留軍不得公乃秘要相商囑以感情私懇李公公初亦甚作難謂軍令不得擅專告以轉稟上憲由紳負責於公可不任過因請留兵一連改裝巡警維持治安中外法在所不禁電發兵留幸蒙允准當經泰武將軍靳巡按使蔡張師長擬定改警規則通行膠卽掖昌而其發端實在吾掖於是李團

長帥兵而東連長張壽甫夙稱老練兵皆精選分布崗衛秩序井然馮縣長旋以老病卸事新任爲省委籌防甯君夔揚出示安民謂鄰邦友軍賓禮相見爲之號客店備旅舍路過暫宿兵不入城蓋德與青島既已斷絕交通英日欲乘此削弱德國請由我內地襲攻青島後路取還中國故不禁彼軍之入其來甚遽政府訂有秘約而民間前此毫無聞知遂於九月初旬直撲萊郡衝城而入自西門至於東門自北門至於南門車馬啣接填溢街巷軍兵站立兩旁時則大雨如注淋漓水潦之中一日夜無可安插關廂住徧城內遂亦全被

四續掖縣志

卷六

雜文

五十七

佔據惟東南偏隅幸免軍士散處各家並於西關設立兵站部於西門裡設立憲兵司令部更以西關各街改名爲古谷町樹立標識改用某番地某丁目等名稱城內各家另編門牌改用日本號碼所住門窗多行撤毀以示顯豁各街巷武裝軍士交互往來橐橐之聲經夜不絕蓋彼由龍口登岸循官道過朱橋平里店以至於城改用路線更出南門踰泰山閣轉入南十里堡經馬驛白沙而西繞溫家村以入平度沿路往往敷設輕便鐵軌栽立軍用電信電話及無線電台其電路穿城出入城門不得夜閉至我國城鄉電報郵政各機

關均由彼派兵駐守檢查復於沙河鎮地方特別派兵駐守以稽查我往來之官吏軍士及行旅商賈無不橫加干涉竟以我國內地完全劃歸彼國軍事範圍以內一時京省各派交涉員來掖均住城內青羅觀街舊營部內惟事關大局各自隨時復命地方官不及浹洽檔案無存至若地方自爲交涉則皆屬縣境以內雖事關瑣屑然巨細無遺本末略備亦足見當日之情事矣彼軍乍到排門直入言語不通聲勢洶洶不可向邇事出倉卒千門萬戶又安所控告得家家而與爲交涉隨來奸民各處招攬欲爲代表此輩安可信任轉或

四續掖縣志

卷六

藝文

五十八

滋生事端概經謝絕因約各家自爲安置互相通融彼自龍口下船直至攻克青島一連四十晝夜大雨傾盆庭院街衢儼成澤國彼既倍受辛苦乃愈加蠻橫豪奪不情搜括任意我婦孺遠避鄉僻丁男空守門庭出入不得自由轉或供彼役使彼爲主而我爲客初來尤多疑忌嚴查有無槍械前此官民議欲授兵登陴曾經竭力勸阻謂此次外軍不同往昔寇盜况陸軍早已撤退民間炮火不當萬分之一釁端倘啟噬臍難追正當嚴密封藏不露形迹因此各家搜無一械始得貼然既經接近知彼官弁皆識文字察其情形頗重讀書

家世因邀相與筆談彼問站崗者何人答以巡警彼搖頭曰不然巡警無此程度究係何軍答以不任軍事不識何軍見服警裝知爲警察而已又問陸軍有無藏匿答以不知且此則君可不問貴國既爲我收復青島而來陸誼方深正恐接待之未周有何嫌疑而事埋伏况陸軍前已奉令調撤即使別有存留以慮他變正所以暗爲保護我軍之有無不可知但知貴軍可保無虞敢以身家負責若論國體則以外來數萬之衆入我禁地軍民雜處苟無相當之防範國將何以爲國此則非我所敢知亦非所敢言卽如貴國此次用兵軍中

四續掖縣志

卷六

藝文

五十九

機密我可問君可告乎兩情當共諒也彼曰然然意欲結爲朋好前途常通音問答以此則不敢軍事秘要兩國俱在戒嚴正當遠避嫌疑恪守功令倘有漏洩咎將誰歸事平以後前好重續固自始終不渝君意以爲何如彼大稱善曰感佩至言當銘肺腑自此每遇軍事番替互相告語桀驁之氣若爲漸消因私告鄉里對外之道當加以禮貌而示以坦懷無露矜張莫形怯懦尤須全我國體倘到無可如何之際則聽客所爲似此庶可少招陵侮藉以紓我地方交涉長官之憂頗覺有效也彼諭示條教俱用中文行草書知學晉唐頗得

筆法軍行非盡樂從亦由強迫居停偶遇士人往往留詩索和想見自昔同文之效數日之後嫌意漸釋間隙稍易彌縫遂由我縣長及駐掖交涉員李君家祥與日軍議定規章十餘條共相遵守甯縣長丁艱回籍李君以交涉員兼攝掖篆少年豪邁頗不畏縮偶值日軍公讌行酒爭令略被欺壓公負氣而出鳴槍數響彼軍驚恐幾至調隊旋以和解而止我軍伙夫因公出城經行彼劃界內致被羣毆我軍衆怒齊隊出發勢將交綏經張連長多方勸諭始得停罷以我少數軍人不計多寡不量強弱公發義憤勇往直前彼亦未敢藐視

四續掖縣志

卷六

藝文

六十

也至於民人橫遭捆打牲畜強被拉牽聚賭招匪拷罰勒贖囚虜繫纍視同兒戲往往因之受傷斃命各種事端所在多有日人嗜食鷄子石榴梯屋而升履若平地徧視各家有則下取趨捷以鳴得意及見我軍試演躍躍東南城頭高踰數丈縱身而下飛鳥無聲彼乃大驚一日者飛鷄盤空實彈仰擊誤中翼旁翔鳴自若我軍一發而中鷄卽墜落身前倍加歎服兩軍雖未接觸而暗中比較有如此者青島陷落之後日軍以守備電綫爲名復自青島經高密迄龍口分段派隊駐守而以掖西關爲守備隊本部是冬甯縣長回任李君芳

以掖招平黃交涉員駐掖東文東語熟習精通洞悉外情深諳國際公私各法而又老成持重不抗不撓彼乃屈服於理法不敢謂國內無人四年三月日軍換防大隊長矢田九郎駐掖城西關其日兵則沙河駐六十四名平里店駐二十八名朱橋駐二十二名新城駐三十二名而大隊本部駐二百三十名隨即佔據民田不准耕種又邀令我各村紳士赴日營立誓約書保護日軍電綫又要求將該電桿附近四尺以內高糧悉行割去各節經印委依法交涉取銷旋要求各村民將看家槍械繳交該軍又緣該綫路所經往來行人如帶

四續掖縣志

卷六

藝文

六十一

槍械須赴該隊領照復經交涉免繳護守槍械路過者以我國官府護照爲憑至於擄我人民捕我緝役等恣意妄爲均經據理交涉漸就馴順鄰縣遇有盤錯亦多賴以寬解是年八月日電撤銷守備隊調回平度經高密回青島其在朱橋新城者由龍口趁輪回青吾掖始得以暫告肅清李公以功擢任知平度縣事計自日軍入境迄撤退前後一年有奇蹂躪慘酷莫可言狀國家大計不敢知此則地方小有交涉及軍中情事之大略也日人每工心計財不外溢軍行無所不備糧食器用一切俱帶自彼國軍到之處並設立種種營業

名目凡所需用俱購彼商下至柴炭之屬亦由彼商取我材木供彼轉鬻可謂無資本家軍行帶有日娼開設妓寮軍人往來不禁士氣少衰而鼓不起之謂何此殊難稱紀律又有隨來日商係彼國販賣古董者流寺廟民居具有舊器古佛類皆丐奪潛偷屢啓訟端不避恥辱此則非關軍事然亦隨軍而來約計彼軍不過一師一團米袋堆積如山而仍不時陸續接運每有頓舍米柴蔬肉鍋碗寢席等件按名照發臨行每多遺棄師行而糧食概可想見斯役也英人供餉日人出兵二國合謀僅而後克古人云越國以鄙遠吾知其難也

四續掖縣志

卷六

藝文

六十二

惟是徑途預識而軍令甚嚴所至輒頒地域圖表道里遠近戶口多寡以及村舍名稱曲折周詳相去萬里如衽席上行師知其平日所謂游歷者非無事事軍隊出發令到卽行不停晷刻先時有德國飛艇偶來窺探日本旋即調到航空數艦飛赴前方亦曾於我關廂試演迨至青島既克乃懸旂演劇提燈開會招致參觀誦樂夷音擾襍子女在彼固屬爲樂而我則私切隱憂也諸所聞見歷歷如斯至於地方所受之損失則彼自龍登岸兩水泥澆刊伐我樹木芟夷我禾稼填塞道路踐踏摧殘道旁數里全歸盪滌及其屯駐則各家俱

入掌握損失安可數計時有總統府秘書陳君奉命來掖調查適值彼軍麕集民既未敢聲明官亦難於宣布陳君相與秘商謂政府之調查祇爲要求賠償計也調查必有所據囑令詳爲開列借存檔案因爲之分條臚列計自龍口登岸數十里則入掖境由新城抵灰埠斜經百數十里大道兩旁約在十數里內佔住城內外約計數千百家損失詎至億萬陳君據以回都覆命政府深知苦累我民於三年冬特命前山東都督余中丞爲督辦帶同隨員施放急賑恤民艱食公至掖假寓同春當店不處公解隨即派員會同區長調查地畝

四續掖縣志

卷六

藝文

六十三

按畝計償調查人民生命及輕重傷害分別撫卹並調查城鄉各財產損失惟是彼軍盤據城內被害最詎未敢呈報偏鄉僻處形隔勢禁又皆無可證實僅就關廂村莊呈報有案者發給卹洋蓋不及千百之什一公由州縣海升督撫歷任數十年不離山東洞悉民情親詢疾苦年登七秩勞悴不辭故惠施雖未遍於人人而已頌聲載道歷經派委李君白君何君等再三調查遂時賜卹延至四年二月始克結束計人命傷害各案共卹洋一千六百元其被害已呈報者約損失洋五萬一千七百元有奇已卹洋三千九百三十四元八角



五分其餘四萬七千七百七十餘元未能照償我中樞方歉然於財政困難未能週浹而此五千餘元者均出自我政府至於署局廟宇及各機關亦曾屢經調查當時或報或未報檔案或存亦或不存其有案可稽者大抵如斯六年八月我國以德人施行潛水艇政策抗議無效對德奧宣戰旋經歐戰告停七年冬奉上憲令調查中立絕交宣戰三時期損失列冊呈報以爲議和索償證據此則日軍既過所有實在調查撫卹之情形也溯自外軍入境非常浩劫夙昔未經突如其來實逼處此縱虎狼以入室軒臥榻於他人蝸唐鼎沸之

四續掖縣志

卷六

藝文

六十四

際生命何歸室家安在日本一旦攻克青島據爲己有頓淪前盟迨華府會議告成各國歸還領土政府屢經交涉終以全國民意爲之後盾始克歸還仍多要素賴有前此損失之賠償用作抵制而膠澳乃復得隸入版圖完固我圉失之東隅收之桑榆昔人云塞翁得馬塞翁失馬禍福無常倚伏莫定天平人與吁可鑒矣至日人圖我青島矢志不渝暫爾歸還雖迫於公論時事一變故態復萌彼所耽耽注目者又豈第一青島已哉此則主國事者所當深謀遠慮而早爲根本之至計也

論曰觀日本之攻青島克日成功何其得之甚易而不知其所以得之之甚難也苟使我國嚴守中立不絕德人內地之交通不假日本陸地之襲取青島雖孤立而祇由膠海進攻吾知其成功之無日也然我既許以由龍登岸所有掖平高昌卽陸軍盡撤彼自入掖以來又何顧慮之深猜防之切且卽攻克青島以後沿路派兵駐守聯爲一氣儼若大敵將臨經年方始撤銷其故何哉蓋越海興師去國萬里入我腹地後無繼援苟使我國別有他謀如彼人之所爲者則以旣撤之陸軍出而斷絕歸路我攻其後德攻其前勢同游釜之魚

四續掖縣志

卷六

藝文

六十五

求如青島之孤立尙有憑藉而不可得彼固亦知此行深犯兵家之忌惟我國忠信待人從無虞詐故彼得以成功晏然無事彼其得旅大也必思樹政策於滿蒙彼其佔青島也必思擴利權於膠濟雖本其侵略主義蓋亦預防恐蹈德人之覆轍審乎此則關於日本之所經營亦可以思過半矣

清

詩

北海書院詩示諸生

翁方綱

二旬東萊郡師說仰高密及茲題講舍始爲學子述昔易始  
 商瞿書賴伏生出言詩齊魯間申與韓交秩顏嚴春秋師禮  
 則高堂質此邦聖人徒諸經遞疏櫛於漢之東京匡整諸遺  
 佚一身數經兼孰與鄭公匹鄉校祀瞽宗几筵凜堂室昨經  
 高密城唐碑切款苾三復邢州文惜闕思貞筆篋中有遺像  
 精神追勿失桂君藏一紀羅子營十日幅巾若深衣下筆稽

四續掖縣志

卷六

藝文

六十六

之悉司農深於禮浚儀殫時術溫偉緬燕居容度皆中律所  
 以堂名禮心殷寫經帙必將多折衷肯審於畫一適來發斯  
 義驗爾呻佔畢凡此拳拳心若留望控控庶來函席間田瓊  
 與張逸斯堂摹斯石趨者宜戰慄大海滙淵津摠衣氣充實  
 瓣香各慎思兢兢願難必

題張菊如所繪雲臺三十二將圖

白永修

平度人

白水真人掃八極長劍摩天天澹碧帝命龍虎佐炎精罡宿  
 亂驟飛雨聲層臺瑰麗虹日照俗士汗背勳臣笑意態孤昂  
 出天表丹青技窮形難肖掖水張君畫無敵靜拈退毫奇思

入黃金細甲大掖衣空堂歎見神官立窮冬臘月山雪暗披  
圖戰地風沙變各出異姿如奔電老魅驚投烟塚顛榆纏亡  
精月墜魄尺絹千金購不得九霄耀靈護寶墨千秋永壯山  
河色

月夜遊南海

三山島西南有海灣與灘俗名南海

王崧翰

子良平度

大海枕三山家家水作田操舟爲世業下網卽豐年漁火繁  
星動波光對月圓秦皇殊可笑何處覓神仙

掖海竹枝詞

董錦章

抄鰕取蟹各隨時冬剷蠣房夏賣蚶不愛瓜魚愛柳葉

魚道名

四續掖縣志

卷六

藝文

六十七

他柳葉似蛾眉

井上烈婦

董錦章

辛酉秋捻匪竄掖吾村井上有婦人死焉見者謂類  
投井賊救之然卒齋志爰識以詩

一死心始安長共井水寒霧陰雲兮亡極髮英魂兮太息

大澤山下人家

董錦章

茅舍鬱參差疎煙出竹籬隔溪犬遙吠蔭樾犢斜齧塾老龍  
鍾態村童雀躍姿看山還最好新翠映高眉

遊大澤

董錦章

山花有異香山鳥引清吭詩畫俱難好煙巒萬古蒼此間留  
洞府人世幾滄桑蠻觸須臾耳何如鶴夢長

山謠卽事

董錦章

諸苗截其蔓約寸無敢縱時當麥秋後封殖向土壅旣茂迭  
牽引乘雨勢交綜潰外由內張壤裂衆睹共扶犁培厥本耘  
畢籽則用嚴霜一夕降咀嚼逾菰葑菜根可入道此味應珍  
重

萬鬼

董錦章

慨嗜阿芙蓉者作詩

四續掖縣志

卷六

藝文

六十八

萬鬼皆煩冤中夜哭啾啾言藥能殺我齎恨委荒丘厲膽語  
故鬼戕賊皆爾絲拋爾骨肉親自甘命爲讎故鬼不我磨燐  
火悽亂流

收麥詞

董錦章

日至迫場登麥努力斷根聲策策珍重芒稍比而櫛釵鏗搖  
影膩肌白剔精析粗緝以時壞亂拋擲曝烈曦碌礪聲中笑  
語多又聽夏鴈催插禾

補竹枝詞

董錦章

破卻工夫緝麥稍幾經纖手結纏絲問郎出甚新花樣花樣

斬新纔值錢

淘井仲春謀曬鹽水分老嫩池中規連年屢有鹽商至運向他方看署籤

羅臺懷古

有序

戊申

董錦章

城東北三十五里有羅

當為樂

臺相傳為漢武帝行樂

之臺建萬歲亭於其上因名其河為萬歲河土人曩

於臺邊得古瓦有萬歲未央等字其故址在羅臺村

首高丈餘方盈畝余為賦詩

蓋石注醴笑秦皇臺胡為者王河旁漢武昏愚蹈覆轍二千

四續掖縣志

卷六

藝文

六十九

年事何茫茫慕容故臺長已矣

在教場

相傳澆冢何處是

朱漢

村東有古冢土人傳為澆冢未可據

日暮惆悵對古邱策馬昨過平仲里

今稱平里

過古過國弔古

董錦章

四千餘載久荒涼國說古都疇克詳

土人號此地為古都子國

煙霧迷離

現遺址不知人世幾滄桑

四月十四日遊三山觀海

董錦章

快哉三山遊攝衣登絕巔親見蓋石奇萬象盈目前下有茫

茫海上有蒼蒼天海天渾一氣孤立睨坤乾我思攜鉅筆其

上題鴻篇偉字大如斗見者驚真仙人世何處為蓬壺乘桴

至斯願結廬

民國

感遇八首

用陶淵明飲酒詩韻  
錄五首

張恕琳

世人云道喪斯語吾惑之既喪已非道道寧有喪時興廢無  
定在道固常如茲行之是在我此理乃不疑違道難爲治世  
危須共持  
衰榮動悲歡萬物共此情惟人競入世皇皇總近名多難傷  
杜老儻才誤賈生憂患不自勝寵辱若爲驚君子焉所求憂  
道本性成

四續掖縣志

卷六

藝文

七十

治亂若循環扶世待羣英斯人胡淪迹蕭索乃其情顧瞻寡  
匹儔緬然淚爲傾飛鳥知所止秋蟲以時鳴與世不相入泯  
泯愧此生

吾本青齊人來自東海隅於今十二年淹滯在迷途家貧復  
親老惡能絕塵驅敝廬不必廣薄祿已有餘未覺爲卑貧悠  
悠安所居

皇皇欲何之大道在六經力求非其至作輟乃無成會心不  
在遠人事隨所更達人解其會火焰灼天庭游魚時出沒好  
鳥自飛鳴悠悠此中意聊以怡吾情

甲寅七月二十八日日軍來寄宿索字作紀念書此與  
之  
張恕琳

回首扶桑舊遊地與君相見憶前緣出師報捷意中事海上  
應聞奏凱還

海外雄師競奏笳西風夜雨過中華客來不速漫驚異同種  
同文本一家

剝啄忽來海外師慙慙索字並催詩臨行遺米作酬報語不  
能通意可知

白雲庵山莊

張正諒

四續掖縣志

卷六

藝文

七十一

去郡近百里高峰插雲天巒嶂四圍合中間地曠然遠廟溯  
我祖老氏真形傳地僻貌愈古年久神獨全廟外松風石姑  
水發源泉濫觴盈池沼三齊爲名川馬耳對九青作鎮萊東  
偏東壁竹林寺峯頂湧玉蓮西庵供如來望衡猶比肩憶昔  
當周末柱史隱高賢西去入大秦關尹資流連避世乃本志  
化胡說妄牽仙蹤說靈異虛無任推遷猶能述聖讚隱現難  
究研唐代帝遠祖仙李紛糾纏宮廟朝太清金碧增華鮮兵  
燹幾焚燬瓦礫成荒田世俗奉寺觀儀衛翊翩躚羽流昧宗  
旨未諳道德篇惟茲深山裏逍遙宜真仙松柏參天列荒寒



無人煙地乏兵火虞人樂義皇年嵐氣四時合水石爭鮮妍  
既遂高隱志亦得清淨緣西蜀傳古像式本秦漢前曲股反  
足坐制非習俗沿我祖法古昔崇奉等儒先灑掃惟吉蜀道  
流不招延正彼服鍊謬丹餌並棄捐養靜全本性讀書獲真  
詮名山典型在長歌述茲編

膠西謁庸生祠

張正諒

七國連膠濟藩服當夷庚發難爲禍始山東滿旆旌不藉文  
教力景運何昌明憶昔亂天紀坑焚始秦嬴簡編羅灰燼隸  
徒惑愚氓賴有齊魯儒絕學守艱貞伏勝教歷下尙書微始

四續掖縣志

卷六

藝文

七十二

萌金絲出孔壁典謨肇蜚聲歐陽兩夏侯派別互經營古文  
紹家法經師獲庸生補正兼綴輯讐校義尤精僞誓造張霸  
洪範傳五行撰者多紕謬釐訂資權衡他若詩三家齊魯毛  
韓並田易兩戴禮羣經列庠巒韋相位通顯蕭傅亦崢嶸既  
非吾鄉士莫達慨慕情惟此韋布老巷閭誇殊榮墜緒傳百  
代終古無變更我來周山下朱水環膠城崇祠肅遺像廟貌  
存雙楹聲勢雖寂寞先民惟式程高密地鄰接表里聞康成  
申公亦徵魯著名漢公卿敬恭必桑梓憑爽來精英束躬薦  
蘋藻齋享明潔誠偉哉翼經力千載有餘名

文筆峯

張正諒

山樹如毛雜碧松山形蟠屏勢猶龍詎知一帶屏風裡秀出  
文明毓筆峰

神仙洞

張正諒

神仙洞府本虛空仙蹟傳聞出洞中留下丹砂人不識染成  
色樹滿山紅

海廟畫壁

張正諒

吳生畫壁幾千載變相爭傳海廟靈形貌僅存優孟似稜威  
猶足鎮滄溟

四續掖縣志

卷六

藝文

七十三

萬里沙

張正諒

我行瑯琊道不見沙邱城秦漢邈俱盡萬里沙空明

南山鄭碑

張正諒

光華今何在南山草樹秋六朝風景盡祇有鄭碑留  
寮佐頌功德銘山刻石存平原盡禾黍剩有會仙門

城西亞祿山下石柱碑弔孫公子

張正諒

大風遺集念公孫藏護雲根秘九原結社名流聞白下傳家  
盛著出黃門漁洋畫室歌仍在亞祿山房裔不存太息名園  
成土壤空餘防石伴孤魂

掖縣八祠題詠 民國丁卯

翟震起

余建議恢復八祠祀典並請地方各機關負責保管所  
有各祠宇縣署立案茲於陪祭各祠時感而興詠意在  
述實不計工拙惟望吾掖官紳對於移風訓世明禋曠  
典永行無替云爾

名宦祠

新設牲牢舊式廊諸公宦績志書詳蒼生共望斯人出青史  
永流後世芳心懍四知端仕品政同三異飭官方故鄉先達  
風何似想像山高並水長

四續掖縣志 卷六

藝文

七十四

遺愛祠

宦海升沈歲月過心猶冬日戀溫和民懷召伯棠無伐誰嗣  
鄭僑里有歌留此典型先達遠念茲父母舊恩多仰瞻前哲  
餘欣慕可奈兼葭秋水何

朱公祠

奇男烈士意堂堂生死兩言終不忘 公嘗云生作奇男  
子死為烈士夫 捐却  
忠軀留隻臂 公屍僅存一  
臂塚像中 永存大節振三綱一腔碧血守萊  
土萬古丹心護海疆從此少牢歲致祭官紳崇拜爇檀香 去  
冬

余請恢復關於忠孝節義各祠祀典將朱公暨徐謝二公加  
入共八祠均用少牢當承張縣長子青發經教育局議覆立

案復承應季審縣長  
贊成實行自今伊始

### 徐謝二公祠

萊山烽火被圍中危及當年徐謝公求援弗來拚一死舍生  
不屈仰雙忠經文緯武官雖異殉敵捐軀志則同兼有完城  
各賢吏叙功配享在齊東

正殿山東暨登萊巡撫徐謝二公  
東廡彭參戎楊總兵西廡各宰官  
以孔亂時完城  
並受封配享焉

### 昭忠祠

讀書貴與聖賢期大義親親志不移靖獻本為酬主遇寅清  
豈必畏人知見危致命氣何壯崇德報功禮所宜忠烈英靈

## 四續掖縣志

### 卷六

藝文

七十五

綿俎豆成仁千古猶生時

### 鄉賢祠

十載不聞宮徵音復新祀典喜從今綱常名教欽籩豆科第  
文章重士林尊達乎鄉持已厚善同於國感人深蔭承祖德  
愧難繼長此依依一片心

余先人文泉公雲史公均崇祀  
本祠其祀昭忠祠者飛卿公也

### 忠義孝弟祠

報國齊家分所當允宜廟祀重綱常庭階想見萊衣彩俎豆  
聯同棣萼香酬主熱忱身弗惜照人古道氣何昂觀摩後起  
若修省四字並流百代芳

節孝祠

事親定省懷晨昏柏節松筠萬古存發起有心昭淑德蒸嘗

無地妥幽魂

舊祠坍塌木主盡在五礫中

倡修幸賴同仁助

丙寅秋余會同教育局教

育會募捐重修

觀感期將薄俗敦祭品籌資仰賢宰度支從此有淵

源

祭品乏資蒙應縣長籌撥屠捐歲時由教育局備辦各祠少牢祀事無替實利賴之

拾遺

史記日者列傳褚先生曰齊相張仲曲成侯以善擊刺學用劍立名天下

杜陽雜編處士元藏幾自言是後魏清河孝王之孫隋煬帝時官奉信郎大業元年爲過海使判官遇風波壞船黑霧四合同濟者皆不救而藏幾獨爲破木所載殆幾半月忽達於洲島問洲人問其從來藏幾具以告洲人曰此滄洲去中國已數萬里乃出菖蒲酒桃花酒飲之而神氣清爽其洲方千里花木常如二三月地土宜五

四續掖縣志

卷六

拾遺

七十七

穀人多不死出鳳凰孔雀靈牛神馬之屬又產分蒂瓜瓜長二尺其色如椹一顆二蒂有碧棗丹栗皆大如梨其洲人多衣縫掖衣戴遠遊冠與之語中華事則曆曆如在目前所居或金闕銀臺玉樓紫閣奏簫韶之樂飲香露之醕洲上有久視山山下有澄綠水其泉濶一百步亦謂之流綠渠雖投之金石終不沈沒故舟人以瓦鐵爲船舫又有良金池方數十里水石沙泥皆如金色其中有四足魚又有金蓮花洲人研之如泥以間彩繪光影煥爍與真金無異但其不能入火而已更有金莖

花其花如蝶每微風至則搖蕩如飛婦人競採之以爲首飾且有語曰不戴金莖花不得在仙家又有強木造舟楫其上多飾珠玉以爲遊戲強木不沈木也方一尺重八百斤巨石繩之終不能沒藏幾淹駐既久忽思中國洲人遂製凌風舸以送之激水如箭不旬日卽達於東萊間其國乃皇唐也詢年號則貞元也訪鄉里則榛蕪也追子孫皆疎屬也自隋大業元年至貞元末殆二百年矣有二鳥大小類黃鸝每翔翥空中藏幾呼之則至或令授人語謂之傳信鳥本出滄洲也藏幾工詩好

四續掖縣志

卷六

拾遺

七十八

酒混俗無拘檢數十年間遍遊無定人莫知之惟趙歸眞常與藏幾弟子九華道士葉通微相遇遂得其實歸眞往往以藏幾之異備奏於上上令謁者賣手詔急徵及至中路忽然亡去謁者惶怖卽上疏具言其故上覽疏咨嗟曰朕不能如明皇帝以降異人後有人見藏幾泛小舟於海上者至今江表道流大傳其事焉

金史烈女傳相琪妻欒氏有姿色琪爲萊州掖縣司史貞祐三年八月紅襖賊陷掖縣琪與欒氏及子俱爲所得見欒悅之殺琪及其子而誘欒欒奮起以頭觸賊而仆

罵曰我豈爲犬彘所汙者哉賊怒殺之追封西河縣君

諡莊潔

按欒氏已見前志烈女傳惟紅襖賊陷掖不見於大事記故再爲拈出之

唐張廷珪論萊州置監牧及和市牛羊奴婢表有云竊見國家於河南北和市牛羊及荆益等州市奴婢擬於登萊州置監牧此必有人謂頃歲以來軍裝所資國用不足或將見陶朱公公孫弘卜式之事而爲陛下陳其筴耳臣愚以齷齪卜算有損無益不足爲盛明天子行法於代也



志餘

東關天齊廟西南有鑿若真人綦信明墓其子嘉佑爲建碑云予顯考未羽化時嘗以街頭倒塌關聖帝君廟神像敬奉於東岳廟內數年吾顯考夢帝喚曰余將別矣有聯語二句汝誌之聯曰風吹斗滿流上下日映蒼松有青紅醒覺眞爽異於平時因書聯句於外舍誌之翌日村人立廟請神像去後至道光十八年吾顯考謂人曰是年三月三日寅時我當逝矣人問之答曰早於風吹斗滿流上下聯句知之矣人再叩之不言及期一如

四續掖縣志

卷六

志餘

八十

所言迄今多年廟中弟子思究風吹聯句不悟旨意故鑄於石示後之人省悟之

南關居民邱姓於民國十三年掘地得石爲徐君墓誌之半文云元康八年十月庚午朔二十六日晉故東萊廬鄉新樂里徐君諱文夏年九十七不祿薨其子其婦卜吉改葬西去舊墓七有一郡國治三十有五西南去縣治七等語

碧水蒼虬石刻明太守龍文明書舊在來薰園今歸翟氏保存尙完好

明冢宰趙煥於龍谿刻有自書怡真洞石額今龍谿久蕪  
趙氏子孫移藏其額於家

清羅觀三清殿壁嵌武官靈虛宮知宮王志靜刻石文云  
夜夕涼風動玉枝金花吹散欲秋時款署馬某

掖縣縣政府爲舊萊州府署正堂前箴石坊石柱刻聯云  
聖教揭行日月趨之吉悖之凶敢爲家溫忘忠報民情  
應捷桴機虐我讐撫我后忍令膏盡棄樂生款署永新  
龍文明建

前志所載太平府知府林文薦贈石邑人翟文泉題曰廉

四續掖縣志

卷六

志餘

八十一

石並跋以吾鄉林潛之先生守太平歸無長物以此重  
舟時比之鬱林等語

掖城東北燕臺西有光州刺史任敏墓查任敏前志未載  
府志亦無

平度城三十五里蘇村有當利縣造像碑係北魏正光三  
年四月二十六日造惟碑文剝蝕無存

七區午官鄉午官前村靈虛宮石刻元正元元年處玄祖  
師遺文云橋邊院對柳塘灣夜月明時半戶關遙駕鶴  
來歸洞晚靜琴彈坐伴雲閒燒丹覓火無空竈採藥尋

仙有明山瓢掛樹高人隱久囂塵嚼水响潺潺係道人  
黃維壽所列蓋廻文詩也

道人王鑒明清康熙間修真於馬鞍山竹林寺羽化後其  
徒建塔以葬邑進士王壯圖刊銘於上文曰神因形載  
形以渡神形難永駐神有長真神全形化鑒明其人黃  
冠衣羽八十餘春跡遍山谷履窮海濱妙參二儀頤養  
天純呼吸元氣煅煉丹塵泥丸凝瑞紫房涵醇驅役風  
雨造福下民開宮啟宇仙苑常新修植竹樹鬱鬱蓁蓁  
座擁霞燦行狎鹿馴精歛八埏靈寄中宸豈分生死理

四續掖縣志

卷六

志餘

八十二

應晦晨結塔連漢非惜餘身留待千載有鳥來賓

杜丕城字价藩西杜家人家貧爲沂水典肆司簿主人子  
故豪縱適至肆與衆戲价藩預焉誤傷同人至斃卽自  
首官諷使供連主人不應官恚重刑之辭終不易獄具  
戍邊邊人醵金使營販後遇赦邊人以販贏爲餽辭不  
受曰某得不填溝壑者諸君賜也敢求利乎儻儲此爲  
振卹之資是某與人皆受惠矣及歸父母已歿乃結廬  
墓旁力田自給與妻皆壽至八十五終以曾孫向榮貴  
累贈資政大夫

于文法海廟鄉人海廟多船戶工師造船木之隙縫必貫以鐵具加桐油雜石灰碎繩以塞之業此者名黏匠文法爲匠首其黏船不急功而務堅所受雇值亦與衆同故衆樂盡力所黏船或鬻之價特昂以其耐久也家貧兼務農祇一子叔父某家小康乏嗣欲繼之文法辭曰姪孫輩多且貧盍擇之叔強之終不可予之地亦不受而特求一通行之夥巷蓋留以便街鄰之交通實於己無關也行年七十素無疾一日不豫子旁侍曰去日中當來子從之文法視日影曰可矣命設榻拊從容衣冠

四續掖縣志

卷六

志餘

八十三

訖就之而卒

孫若忻字榮山麻渠鄉人性行忼爽辦公益事不遺餘力晚年殫精藏經念誦弗輟素無疾一日囑家人治後事家人姑妄聽之已而果逝殆明心見性能悟歸化之理者歟而時人則以爲升仙云

城內府城隍廟兩廊各司門壁舊有判官武士鬼卒諸像傳爲羅兩峰所繪飛舞生動洵名筆也道光間張菊如重撫真形尙存至民國壬戌重修經一匠筆全失廬山面目矣

城東關東嶽廟寢宮畫壁衣折勁健敷色淺深純合古法  
槎頭蟠龍變化百出但舊無題字張菊如審定爲仇十  
洲筆洵宜加以珍保也或又疑爲崔子忠筆

紅布店北埃觀音堂改設學校民國六年立有碑記關於  
掖招劃界事頗詳文曰掖縣王徐社紅布店子村掖招  
之接壤處也中有一小河分南北兩埃北埃純係掖地  
掖民南埃則掖招接壤曲姓坐落之處係掖地掖民南  
北兩埃有廟兩座北廟曰觀音堂南廟曰佛寺兩廟共  
有善會地二十七畝原係掖招兩縣人民所佈施之公

四續掖縣志

卷六

志餘

八十四

產迨民國成立教育維新招民於佛寺立一學校掖民  
於觀音堂立一學校而兩廟地畝招民悉據爲己有因  
此致起訟端兩縣知事以其事上之膠東道尹蒙道尹  
吳派王委員察勘情形轉呈山東省長蒙省長張指令  
兩縣知事按照王委員呈覆辦法處分蒙掖縣知事吳  
派勸學員張會同招遠縣勸學所所長劉各督工書丈  
量清楚將坐落掖境在掖縣納糧之地十一畝九分八  
厘八毫按掖弓只量淨地十畝零八分八厘一毫九絲  
五忽劃歸掖民曲錫九等永遠管業設立學校餘歸招

民嗣後官則各管各民民則各辦各學以絕軼轍而息訟端且兩校俱有底款學業可期發達願吾人之志學者勿忘上憲維持學務之至意也斯爲記中華民國六年陰歷十二月初旬廟學董曲錫九冷寶華王殿卿等全建

西由鎮鹽大使署元時所置歷明清兩朝至民國五年西由場併爲萊州場移居掖城而西由鹽大使署遂廢爲官產其佔地四趾面積若干俱有案卷存萊州場內

第十區海倉鄉海倉村近海多沙嶺產沙參遇大風而沙

四續掖縣志

卷六

志餘

八十五

不飛動若掘去沙參處雖微風而沙卽流行日久則嶺移該村賴嶺障風沙以故村民立會禁取沙參云

按該嶺既產沙參不乏相宜之樹木若能編植防風林則不第捍風沙調雨水其根蟠土結自無移嶺之慮矣

舊府署

卽今縣政府

四知堂左右警詞已見前志拾遺又北牆嵌

一石刻右上題曰五嶽眞形之圖六字體似六朝中卽五形若籀篆之魚鳥等象下有字數行皆剝蝕不清然形字勢甚古樸以其石質考之有明或前代物也

西濠龍潭在西南城角迤北濠內近東下有石陂從前遇

旱農民求雨每掘濠泥至石輒應故名民國二年公立碑記於其東岸城下

宴合樓柱礎詳見初志公署久湮土內民國十六年修路掘土發現四角柱礎方石宛然經路工局各截去一角掖志續修前已至再至三雖復統而編之各以類從然其先後義例究難脗合卷帙屢雜檢閱不甚便捷且自三續以後又歷卅載其間國體革新運殊風變以故應前縣長季審欲加重修特聘通儒任總分纂廣選調查員詳採博訪並延專家實地測量計自民國十五年六月

四續掖縣志

卷六

志餘

八十六

設局至十七年一月始成底稿二十卷內附總分詳圖二十五張名曰掖縣新志存縣教育局乃於二十一年地方俶擾新志藁本全被炮燼卽當日蒐羅各項志料及拓集全縣石刻等亦均同毀於兵

訂訛

校勘舊志

祀典門公良子名孺唐贈東牟伯別志作中牟伯未詳孰是

祀典門公肩子名定府志作公子肩定今考史記公堅定晉人或曰魯人考證謂家語作肩

祀典門石作子名蜀府志作石子作蜀

職官門萬曆二十一年知府係王一言今考西南郭外澤民塋碑係萬曆二十一年六月萊州府知府汝南劉任全通判李五倫推官李雲鵠立與續志不同續志載劉

四續掖縣志

卷六

訂訛

八十七

任十七年任至二十年係沿萊州府志舊表

職官門載道光元年知府鄂桂二年知府尙政普今考南陽關義田碑係道光二年知縣俞觀培奉府憲劉委勘立碑示禁知府劉再續志未載

祥異門漢安帝元初二年十一月甲午客星見西方己亥在虛危南至胃昴今考後漢書天文志載在元初三年前志係沿府志而誤

祥異門晉元帝大興三年四月壬辰枉矢出虛危考晉元帝年號太興



公署門府署項下載萬歷二十四年知府龍文明復事增  
廓查職官門龍文明於萬歷二十七年任至三十一年  
其二十四年則知府王一言也公署門二十四年之說  
係轉錄府志舊文

賦役門孤貧口糧一百三十三名載在地丁存留項下查  
郵養門額設孤貧一百三十名每名月給銀三錢在存  
留項下支給互相歧異但賦役門所載月糧連閏冬衣  
布花銀四百七十八兩八錢適合一百三十三名十二  
月每月每名三錢之總數

四續掖縣志

卷六

訂訛

八十八

選舉門武科載道光壬子係咸豐二年道光乙丑係同治  
四年道光己丑係光緒十五年道光庚寅係光緒十六  
年咸豐甲子係同治三年咸豐庚午係同治九年咸豐  
己卯係光緒五年咸豐乙酉係光緒十一年咸豐戊子  
係光緒十四年咸豐己丑係光緒十五年咸豐辛卯係  
光緒十七年

西由場文廟建自元朝後改爲書院寺觀今又改爲學堂  
而文廟之名終未泯也惟初志與三續所載不同而初  
志藝文所載西由場文廟記與碑刻字句亦互有錯訛

如藝文張植碑刻作積藝文建鹽司碑刻作  
豎鹽司又如碑刻較藝文多十餘句之類 茲特錄碑  
刻原文以供參攷 如碑刻之字亦不更易  
如萊密于坎之類

### 膠萊莒密鹽使司新建廟學記

翰林修撰承德郎傅夢弼撰

翰林直學士奉訓大夫喬達書

翰林直學士大中大夫李天英篆

萊為州古也禹貢萊夷作牧實青州疆域春秋萊子國  
居齊左故曰東萊管夷吾相齊嘗煮海以富國即其地  
也元貞二年冬予乘駟於萊館監判羅國才偕鹽使綦

### 四續掖縣志 卷六

訂訛

八十九

豫副使鄧玉司判張稹蔡仲彬相與詣謁云萊之北鄙  
僅五十里曰西由鎮鎮豎鹽司司授五品階總八場歲  
辦鹽筴凡三萬五千計其民雖夥其俗甚鄙粵自西由  
之興蓋未始有學絃誦之音人或終身弗聞以故風俗  
日下儒術闊疎某等環眡太息將何以採亟謀僚屬暨  
好事者捐俸金發私幣幣共得八千緡購爽垲之地於公  
署巽方築學宮其上將由庠序使民踐古人之迹庶乎  
厚民俗振風教也或謂職居流外確辦食貨於斯舉也  
無乃出位僭乎此皆疑而未喻願質吾子請明辯之予

曰噫是何言也昔鄒孟氏有曰君子之居是國也其君用之則安富尊榮子弟從之則孝悌忠信不素餐兮莫大於是今西由之民淺陋乖離弗被其教爲仕者睨而不顧不幾於無事而祿欵夫用之則國安君榮固在官者之責其可用之本獨不在今乎夫奚僭後予抵京師羅君命其子羅恒奉經歷朱翬書具廟學之制殿堂門廡截然一新經始於元貞二年之夏落成於大德三載之春仍備禮聘士領袖其徒闡之以明倫善俗之教迪之以大中至正之學切望吾子援太史氏之例用識厥

事託不朽焉敢冒以請予辭之弗獲則告之曰學校風化本也聖人之教坯冶一陶語小則無內語大則無外不爲賢者增不爲愚者損孰謂監竈之氓不可化儒服俎豆之事不當出于確筦手耶今聖元進用烝髦稽以九疇之載衡以六籍之言碩師良傅于陪于輔上而國學次而遂序下而鄉庠藹然鬱然於斯爲盛諸君於供辦之餘乃能遵國朝體道立師之意以興于學可謂知所本矣古者謀帥禮樂詩書是先而蒐狩治兵則少長有禮爲可用矧理財賦掌國用之官也苟充其學自期

於古賢宰輔可也詎以管夷吾自限邪斯學也他日人才輩出禮樂並興膠萊之俗變而為魯矣然後知六經之功用而不在海王之篇也諸君發源之功顧不偉歎

大德三年三月 日司吏武暉孫輔王鑑吏目陶

溫

進義副尉膠萊莒密監使司判官蔡仲彬

登仕佐郎膠萊莒密監使司判官羅國才

進義副尉膠萊莒密監使司判官張 稹

登仕佐郎膠萊莒密監使司副使鄧 玉

四續掖縣志

卷六

九十一

碑陰刻官吏姓名甚繁茲不錄

王慶墓誌銘

見再續古蹟

漢議郎扶

扶上多王字

尚冲簡

冲訛作充

深謀遠筭

筭訛作籌

拜上柱國

下遣軍羅二字

瀘河鎮將

河訛作江

和川鎮將

川訛作州

白虜趙趙

趙多一作趙

飛蓋

蓋改作翳

素遊

遊改作游

三軍□美

訛作欲慶

雅愛虛寂

虛訛作處

樂守鉦

以祖允謙難蔭雲騎尉三續志誤為曾祖允謙



四續掖縣志刊印正誤

卷一

第二十四張第十六行日龍泉下脫日六灣三字

四續掖縣志

正誤

一

卷二

第二張表上欄第十行蘭當作藍下脫至字

第十三張後面萬歲河鄉當作萬歲鄉

第三十三張石埠鄉東至營裏字遺廟會改正

第六十九張市集門十一日西絲廟會改正

李老爺廟

四區西絲

十月十五日

卷三

第六十二列各應提高一欄  
第六十三張萊州甲種實業學校表第五六

四續掖縣志

正誤

一一

卷四

第八張	第五張	第十二張	第六十三張	第六十七張
第二欄	第二欄	第六行	後面第一行	第七行
前字	應刪	姑城應作琳	第一行公名二字	翁字係衍文
應刪		故城	辦當作辦	
			係衍文	

卷五

第十五張劉氏立年碑誤作九卒誤作歲  
 第八張劉氏分註撫當作侍餘年脫十字  
 第二十六張任氏第二載而嬌二誤作倒一妻字  
 第二十七張後面第四行曲春江下脫一  
 第三十六張第六行外當作卯一又字  
 第五十七張表末鎮一行第一字編當作辯  
 第六十七張後面第四行第一字編當作辯  
 第六十八張後第三行第四字黃當作掖材無當作有  
 第九十八張後第一行分註家無儲材無當作有  
 第四十張第二行分註侍郎上脫左字

四續掖縣志

正誤

三

卷六

第二張第七張第十二行遞誤作逐教  
 第四十七張後面面第七行第八字遂當作忽  
 第五十三張後面面第七行第八字遂當作忽  
 第六十四張遺愛祠題末句兼誤作兼列  
 第七十八張後面第七行第三字烈當作列  
 第六十五張第十一行第十字克當作刻

掖縣同裕堂書筆印刷局印

